

# 63-0321 Icikakatikilo Ca Cine

Jeffersonville, Indiana, USA

21 March 1963

1 Icungulopo mukwai. Bushe kuti twakontamike mitwe yesu nomba mukashita fye mwipepo.

Uwawamisha kabili Shifwe uwa Mulu, tulepalamika Imwe nakabili muno bushiku nomba mwi Shina lyakwa Shikulu Yesu ukupela Imwe ukutotela pa bushiku na bumbi. Kabili tulelomba nomba amapalo yenu mukulongana ukwa muno bushiku. Lekeneni Mupashi wa Mushilo ese no kutupela ubwilulo ubwa ifi fintu ifyo ifwe tulfwaisha nganshi.

Mwe Lesa, lekeni cibe icawamisha nganshi ukutila ifwe bonse kuti twakwata isenge ukushinguluka Icebo mu musango uwa kutila ilyo twalafuma twalaisa tusose, "Bushe imitima yesu tayacibilima munda shesu ilyo Ena acilalanda kuli ifwe mu nshila?"

Tuletolela Imwe pa fyo Ena aba kuli ifwe kabili tulecetekela ukutila Ena ali no kutwalilila ukuba na ifwe ilyo tuleenda mu bulendo, pantu twalombela ifi mwi Shina lyakwa Yesu. Amenii.

2 Ndi uwa nsansa nganshi ukubwekela mu nga'nda yakwa Shikulu muno bushiku, mukulongana nakabili. Kabili tuli abasangalala.... Ndi uwansansa nganshi ukutila ... nacistontokanya fye uyu umo taciba no kwisa, lelo wene mukulekelesha nacita. Kabili e ico ndetasha nganshi, ilyo kuba iyakulekelesha iya balya bane abaninine pali kabalwe, ico ndetontokanya ni imo iya mbila ishikankala ku Lukuta pali iyi nshita....

Nshishibe ifyo iyi Imo ili. Ndesenda fye yena cila bushiku, nge fyo Ena alesokolola yena, ndeesha ukupela yena na ... ilyo Ena alepela yena kuli ine.

Bushe muleipakisha imbila? Bushe na mumona ifyo yena ili fye ... mu kusuntikana na shilye nshita sha lukuta, umusango fye yena filya fine fye yalingana mulya mukupwililika fye pamo na shena? Ulya e musango, kuli ine, cena cilelangisha ukutila cena Mupashi wa Mushilo umo wine uyo wapele inshita sha nkuta. Umupashi wa Mushilo umo wine lyena naupele ci, mulemona, pamulandu shilesuntinkana capamofyonse mulimo umo ukalamba uwakwa Lesa ukuilangisha Umwine mu nshila ishalekana lekana.

3 Imwe mulemona, ilyo Ena ailangishe Umwine kuli Daniele mufimonwa, kwali no kuba icakwimininako kwa cintu cimo, icapale mbushi muli ci cifulo, atemwa nalimo icimuti, kabili mucifulo cimbi kuti caba icimpashanya, kabili fintu kuti fyaba ... ukulenga cena ukuba icintu cimo cine inshita fye yonse. Beni fye abashininkisha ukutila tatucilufishe cena.

Nomba, naciba mucine uwa sasamushiwa mu nshita fye iyapitapo inono ine ukulanda kuli na mayo umunono uwikelele apa, nalimo imyaka ya kufyalwa amakumi cinekonse konse na fisano, Kabili ena....Te kale sana, lintu fye nshilaya kulya ku masamba, cinshi, kwaliko umukashana umunono mu Ohio uyo wali,

ndetontokanya e fyo, uyo walefwa na lukemia muciputulwa cabuko icakulekelesha. Nomba, lukemia nimpwalonda mukati ka mulopa. Kabili owe, akantu akanono kali (namwishiba) mu mibele iyabipisha nganshi ukutila takwaliko isubilo nalimbi kuli ena nakalya. Bena balemulisha ukupitila mu mishipeshipe-ukutumbulwa. Kabili e ico, bali ulupwa ulupina nganshi. Kabili ba Muka Kidd, apa, na Munyina Kidd, balibeba palwakwa Shikulu ukwasuka amapepo nganshi. Kabili baishile capamo, ndetontokanya, kabili batumine umo muntu no kuleta umukashana umunono kuno.

4 Kabili ena ali umukashana umunono uwaemba nganshi nalimo, owe, mutanda, imyaka yakufyalwa cinelubali-imyaka pabula. Kabili ena alikulya kunuma mu cipinda. Kabili ilyo twaile ku cinso cakwa Shikulu, Mupashi wa Mushilo apele icebo kuli ena. Kabili bena balimusendele ... kabili balimusendele no kumulisha, namwishiba, ulya musango. Kabili ilyo aile, ena alelilila umukate, kabili e ico, ukulya icakulya cakwe ukubomfya akanwa. Kabili bena bali mupele umukate, kabili baile fye pantanshi no kumulisha fye mucifyalilwa.

Mu nshita inono-inshiku ishinono-bali mutwele ukumubwekesha kuli doctor, Kabili doctor alifililwe fye ukwiluka. Atile Kwati cali tacali umukashana umo wine. Atile, "Cinshi, tapali imimonekele nangu imo iya lukemia palwa cena nangu pamo, nakalya." E ico ... kabili ena alefwa. Bena bali mufililwe, ukulamulisha fye ukupitila mu mishipeshipe yakwe. Ena aishile aluka uwa mutuntula (namwishiba ifyo besa mukuba), kabili e ico bena.... Kabili nomba ena ali kusukulu ukwangala pamo na bana bambi, uwa nsansa fye nge fyo engaba.

5 Cilenjibukisha ubwafya na bumbi ubwa musango filya. Ubushiku bumo naishile fye kunga'nda. kwaliko i.... Nga nshilubile, bena bali nalimo abantu ba episcopalian aitemwa Presbyterian balya abaletele ulyo mukashana umunono ukufuma ku Kansas. Kabili ama doctors bali mufililwe na lukemia; kabili bali mupele, ndecetekela, inshiku shine ukuba no mweo, aishileba mu musango uwabipisha nganshi. E ico, bena batile baposele fye shilye nshiku shine ukulaisa kuno lubali, ukupita mu menshi makasa ne fintu ukuciluka icalo, ukuleka wene apepelwe.

Kabili ba shikulu bakwe, uwalemoneka-bwino nganshi, umwaume umukalamba, ali no mushishi wa mfw... Kabili bali nankwe kale inshiku shibili uku lubali mu motelo unono ( Ine ndemona tayabapo palya nomba nakalya) ulubali lwa Silver Creek uku. Kabili E ico, nalile kulya ilya nshita ya bushiku ukuya mupepelako.

6 Cali ulucelo celo sana. Nalishile lilya mu bushiku ukufuma kunse ka musumba, no kuya kulya. Ba shikulu bakwe abakalamba baleenda panshi, kabili banyina ukwasha ukusunga bwino umwana. Kabili ilyo nafukeme ku kupepa, Umupashi wa Mushilo wasokolwele kuli ine inkama iyali pakati ka banyina kabili na ba wishu pa cintu cimo ico bacitile. Nalibetile kumbali no kubepusha palwa cena. Batendeke ukulila kabili batile, "Cilya cishinka."

Lyena nalilolekeshe kunuma, kabili nalimwene umukashana umunono aletoloka ne ntambo, ukulaya ukwangala. Kabili nomba, umwano munono.... Mu milungu nalimo itatu bali ntumine icikope ica mukashana umunono alibwelela musukulu, aletoloka ne ntambo, kabili takwete lukemia nakalya.

Nomba yalya ama bunte yaba mucine cine icishinka ica shininkishiwa, mwamona. E ico, Lesa wesu mutuntulu nganshi. Ine ndebombela fye Wene kabili ukucetekela Wene, kabili ine nalishiba Ena mutuntulu.

7 Nomba, ndeesha mukwishibisha kwandi nomba, kabili ilyo icintu cimo ... caingila mukati kesu, cilebomba cena inshila ya ciko, kabili.... Nomba twalaesha muno bushiku, ku nkumbu shakwa Lesa, ukusenda ici Cikakatikilo Ica Cine kabili no kumona ifyo Mupashi wa Mushilo alakwata ukusosa kuli ifwe muli cena.

Nomba, nalabelenga Ukusokolola icipandwa ca 6 kabili ukutendeka na vesi ya 7 (7 na 8). Kwaba lyonse ama vesi yabili. Iya kubalilapo yaba kubilisha, kabili vesi iya cibili ni cilya ico amwene.

Kabili ilyo akakatwile icikakatikilo ica cine, naumfwile shiwi lya ca mweo ca cine ciletela, Isa umone.

Kabili naliloleshe, kabili moneni kabalwe uwa butuluka: ne shina lyakwe uwaikolepo ali ni Mfwa, na ku Mbo kwalemukonka ... ena. Kabili kuli fyene kwapelwe amaka yapa cakaniko capali fine ica pe sonde, ku kwipaya ku lupanga, na kucipowe, na kumfwa, na ku ... ifiswango fya pesonde.

Nomba, Shikulu atwafwilishe nomba ukwiluke ci. Cena ni nkama.

8 Nomba, ukulangisha fye panono ku kubwekela kunuma, nge fyo twacitile nshita sha nkuta, aba abaninine kabili uku ukukakatula ukwa ifi fikakatikilo. Nomba, pa kutila ifwe tucibike fye mumano yesu, ukulanda panono mpaka twaumfwa ukutula yena ni nshita iyalinga ukulanda....

Nomba. Natumona nomba ukuti ukukakatula kwa fikakatikilo, lyena li buku lya Kulubula ilya kakatikwa. Elyo kabili ibuku lyalipombwa kwati mufungilo, nga filya cali umusango wa kale. Lyena talyali libuku lya uyu musango, pantu ili lyaishilepo fye ili line, ama buku ya uyu musango, mukulekelesha, owe, ndemona imyaka umwanda umo na makumi yasano atemwa icintu cimo, imyanda ibili. Kabili elyo bena baleipomba, no kushako akaputulwa akabula ukupombwa, nge fyo namwebele ifyo calecitwa, kabili amalembu, ukwa kuyasanga muli Yeremia, kabili na fimbipo. Elyo lyakonkelepo lyalepombwa kunse elyo akaputulwa akakulekelesha kareshala nga filya. Kabili cila umo wali icikakatikilo, Kabili lyena lyali libuku ilya kakatikwa ne fikakatikilo cinelubali. Kabili lyena lyali i ... takuli nangu umo ... ilyo bena bali.... Lyena lyali li buku lya kulubula ilya kakatikwa ne fikakatikilo cinelubali. Njeleleniko.

9 Kabili lyena takwali nangu umo mu mulu atemwa mwi sonde atemwa pe samba ye sonde uyo wali uwalinga ukwisula lyena atemwa nangula ukulolekesha pali lyena. Kabili Yohane aishile lila Pantu ena alifililwe ukusanga umuntu. Pantu nga lilye buku talya sendelwe ukufuma mu minwe ya Mwine uwa ntendekelo, uko lyena lyalufishiwe kuli Adamu na Efa, kabili lyalibwelelemo panuma ilyo balufishe insambu shabo ku Cebo (amabulayo, ubupyani bwabo)....

Ibukisheni, baletaka isonde. Ena ali mulungu umunono, pantu ena ali mwana wakwa Lesa, Kabili umwana wakwa Lesa aba mulungu umunono. Nomba cilya tacili icapusana na Malembo. Ninjishiba cilya cileumfwika iceni, Lelo Yesu atile, "Nga mulabeta abo Icebo cakwa Lesa caishileko...." Kabili ni finshi ifyo Icebo cakwa Lesa cishilako? Bakasesema. "Nga mulabeta abo Icebo cakwa Lesa caishileko imilungu, musango nshi mwinga njebaula ine ilyo natila ndi Mwana wakwa Lesa?" Mwamona?

10 Kabili, bena bali milungu.

Kabili umuntu.... Nga waishile fyalwa mu lupwa, mwi shina lya lupwa lwenu, iwe uli mwana kabili icilundwa caba wiso. Lyena ilyo lubembu lwaishilemo, tulesango kutila umuntu alicilwike umukonko, kabili aletele ing'ombe shilume ne mbushi-lwafimbile, lelo talwafumishiwepo-Mpaka umuti uwine wine waishile uyo wingafumye toni lya lubembu no kulyonaula umupwilapo mutupimfya, no kulubwekesha pali kapondamika wa lwena uwantendekelo. Uyo ali ni Satana.

Ilyo lyabwekele kuli Satana, ena alolela inshita yakwe iyakonaulwa ukwa muyayaya umupwilapo. Nomba, cilya cilelangisha ifyo twacetekela. Ifwe twalictetekelo kutila ena akesa fumishiwapo mucine umupwilapo no kupwishishiwa.

11 Ndecetekela ukutula ulubembu lukesa onaulwa. Kabili ilyo lwatumbulwa pa mulingo wa mulopa wakwa Yesu Kristu, caba kwati kutonesha itoni Iya inki ilya fita mu fyakusamfishako ifiitwa ChloloX. Lyena lilonaula fye mu miti no kulibwekesha kulya uko lyafumine. Kabili ulya e musango umulopa wa kwa Yesu Kristu ucita.

Kanshi cilya cilabika umuntu ukuciluka umukonko nakabili ngo mwana wakwa Lesa, mwamona. Lyena ena esa mukuba u.... Cinshi, nangula ena ... amaka yakulenga ayakwa Lesa yali muli wene. Kabili nalimo lyonse ilyo Lesa engalanda cena ukucitwa, cili no kucitwa. Kabili ifwe tulabwelelamo.

12 Kabili ilyo Mose, ukupitila mu mulopa wa ng'ombe shilume.... Kabili ilyo ena akumenye lulyo Lubuto, intumba ya mulilo muli cilye cimpusa icalopya. Kabili aliminine kulya lubali pa mulimo uo Lesa amupele.... Kabili ena ali ni kasesema. Kabili ilyo Icebo cakwa Shikulu caishile kuli ena, alilandile kabili nangula ifintu ukulengwa ku Cebo.

Nomba, nga cili no kucita cilya kuli cilya, umulopa wa ng'ombe shilume, nga palwa mulopa wa kwa Yesu Kristu? Taufimba, lelo walifumya cena conse fye. Imwe muleminina mu cinso cakwa Lesa ngo mwana uwalubulwa. Nomba, mwamona? Ulukuta lwaba ukutali mu misango ya mikalile ya luko. Ine ndetontonkanye nshite shingi nganshi ifwe tuleesha mu cifulo ica kufuma mucine no kulolekesha pa mulandu. Ninkwata icintu cimo ico ndefwayo kusosa, kabili ine nalacita, pa nshita.

13 Kabili nomba lolekesheni, ukuti kwabako icintu cimo icalubana pacifulo cimo mu nkuta. Kabili ndetontonkanya mibombele ya filonganino iyo yapilibula imitontonkanishishe ya bantu, kabili na fimbipo, mpaka tabaishiba ifya kucitwa. Cilya cishinka. Lelo ifwe twalilaiwa ukutula cena cikasokololwa.

Kabili nomba ifi fikakatikilo cinelubali ifyo ili buku lyakakatikilwako, Kabili filye fikakatikilo cinelubali.... Nomba ... kabili lyena panuma ilyo ifi fikakatikilo Cinelubali fyapwishiwa, tulesanga mu Kusokolola 10 kwaliko ifibulumo cinelubali ifya kupapusha ifyo.... Yohane aebelwe ukulemba lelo lyena ba muleseshe ukulemba filya. Kabili pa nshita ya filye fibulumo, tulesanga Kristu, atemwa Malaika, aishile ika no mukola mfula, kabili ashimpile ulukasa lwakwe pa mulundu na pali bamba no kulap0 kutila takwakabe ukukokola nakabili pali ilya nshita.

14 Kabili lyena tulesango kutila mu Kusokolola ukwa fikakatikilo ukutula Umwana wa mpaanga alishile umulimo wakwe uwa kupapatila nga kapapatila, kabili alishile nomba ukupoka insambu shakwe-fyonse ifyo Ena alubwile ku mfwa Yakwe.

Kabili lyena takwali nangu umu uwingesule buku; takwali nangu umu uwailwike lyena. Lyena lyali li buku Iya Kulubula. Kabili Lesa, Tata, Umupashi, ali likwete mu minwe yakwe, pantu Kristu ali pa cipuna ca bufumu nga Kapapatila, kapapatila fye eka. E ico kanshi, teti kube uwa mushilo, takwali Maria, takwali Yosefe, takwali nangu cimo pali cilye cipailo, pantu cali mulopa; Kabili umulopa fye weka wakwa Yesu e wingapanga icikonsolwelo. E ico tapali nangu cimo ico cingeminina nga kapapatila. Cilya cishinka. Takwali na cimbi.

15 E ico yonse aya mano aya kupapatila na Yuda pa fikansa fya calo, kabili ukupapatila na Cecilia Washila pa cintu cimbi, cilya buwelewele. Cilya tacili.... Ine nshilesoso kutila balya bantu tababa abacishinka kabili ababufumacumi. Nshilesoso kutila tamwaba ababufumacumi muli imwe ukucitwa, nga mulacita, lelo mwaliluba. imwe mwaba abaluba mubufumacumi. Kabili icintu icili conse....

Mutula, "Cisuma, uyu malaika amonekele kuli Bonifer Washila kabili alosele ci, cilya, kabili icibiye, kabili bena balingilo kusose ci."

Ine nshitwishika cilya nangu panono mu mano yandi lelo ifyo muntu umu amwene icimonwa. Ine nshitwishika lelo ifyo Joseph Smith amwene icimonwa. Lelo tacali ukulingana ne Cebo conse cashala. E ico, kanshi, kuli ine cena cilubo. Cena cilingile ukwisa ne Cebo conse cashala.

16 Filya eflyo caba ne nshita sha nkuta ne fikakatikilo kabili na fyonse fyashala ifya cena. Kabili ilyo muntu uuli onse aletontonkanyo kutila ena alikwata filye fibulumo cinelubali, nga cena tacilepashaniwa ne Cebo conse cashala, kuliko icintu cimo icalubana. Cilingile ukwisa "efyo asosa shikulu," pamulandu ili li Buku. Ubu e busokololo bwakwa Yesu Kristu mukupwililika kwa buku.

Nomba, ine nalictetekela lyeno kutila Umwana wa mpaanga alishile. Bena tabaishibe. Yohane alelila. Ena tekuti asange nangu umu mu mulu, mwi sonde, pamulandu bonse bali kulubali lumbi ulwa mukonko, mwamona. Ulubembu.

17 Takwali umuntu nangu umu.... Kabili malaika, mucine, ena kuti abo walinga, lelo nangu cibe fyo calingilo kubo walupwa. Cali no kuba umuntunse. Kabili takwali cintu ica musango filya pantu muntu onse

afyelwo kupitila mu kukumana. Casendele wene uyo uwafyelwe ukwabula cena. E ico Lesa Umwine asendele cilya, mukufyalwa kwa kwa nacisungu, kabili aishileba Emanuele, kabili umulopa wakwe e ulya uwali uwalinga. Elyo lintu Ena acilwiko yu mukonko Umwine no kulipila amalipilo, kabili aishile kambantanya inshila ya ifwe bonse, lyena Aishile ikala ukuba kapapatila. Kabili Ena alikala kulya, kabili ibuku lyena mucine lyaliselwe lyonse fye ilya nshita. Lyaba kulya, lelo lyena licili mu filangililo.

Bena bali limwene.

18 Yohane ali limwene lyena, ukubilisha ilyo ukwakubalilapo kwaishile. Ena atile, "Kabalwe uwa buta aishilefuma. Alikwete uwanininepo pali wene. alikwete ubuta mu minwe yakwe." Cilya cilangililo. Cilya tacilasokololwa. Iyo, cena cili fye icilangililo. Kabili ukulingana nge fyo muntu uuli onse pe sonde, cilya fye ceka eco engasosa. Cilya cishinka. Ena kuti aipununa no kutalantanta-ukwabulo kutwishika kufika pa cifulo cimo apa atemwa palya, kabili panuma yakashita....

Lelo tulesango lyena ukuti mwi buku lya Kusokolola pa mbila ya kwa malaika uwalenga Cinelubali,

inkama-inkama shonse isha Yena-ni nshi nashisokololwa kale pali ilya nshita (cilya Kusokolola 10:1-7) ... ukutula Cena cilingile ukusokololwa ukulingana na ilya nshita, pali ilya nshita ilyo Ena acitile.

Elyo icibulumo ca Cinelubali calandile amashiwi ya ciko ayaibela, kabili Yohane ali no kulemba.... Yohane alishibe fyo fyena fyali, lelo ena talembela fyena pantu ena balimuleseshe ukulemba Cena. Cilya ni mucine cine kabili conse capamo inkama. Cena tacili nangula ni mucakulangililako atemwa icintu cimo. Ifwe twalishiba fye Cena cabulwime fye. Epela fye.

19 Kabili nomba mu kubelenge ci.... Nomba mwilabako.... Nomba, pa Mulungu ulucelo twalifumishepo umulimo uwakundapa pa mulandu wa kukwata amasuko ku mepusho ya bantu. Nomba ndefwaya imwe ukukwata ilipusho pali ifi fikakatikilo cinelubali, nga cena cile mucusha, icintu cimo ico imwe tamuleiluka. Leken i fwe tucikwate pa fikakatikilo cinelubali. Lyena kuti nalanda pa Cibelushi ubushiku nga cakutula cintu calinga ukwasuka yena atemwa iyo, mulemona. Elyo ... nomba, ukusosa fye, "nga palwa cintu cimbi?" atemwa "Bushe ningile ukucite ci?" atemwa "Nalikwete iciloto." Filya fyonse fintu ifikankala, nomba ibukisheni. Fyena fintu ifikankala. Lelo lekeni twikale fye ne fikakatikilo cinelubali. Cilya eco tubelelepo. Filya e fyo ukulongana kubelelepo: ifikakatikilo cinelubali. Leken twikale fye na Cilya.

20 Ningile ukuya ku nga'nda. Ningile ukukwata ukulongana ukunono kulya ku masamba. Nkesa bwela nakabili panono ukucila umweshi atemwa ibili, atemwa icintu cimo icapala filya. Kabili nalimo Shikulu ali no kusuminisho kutila kuti twakwata icintu cimbi pali cilya-nalimo ukulongana kwa kundapa, atemwa icintu cimo lyena atemwa icili conse fintu cili. Natukwata intandala cinelubali apa ayali no kwisa nomba, mulemona. Kabili lyena fyonse fi fileisa mulya, nafyo, Kabili inweno cinelubali, mwamona, ukupongololwa, e ico.... Kabili fyena fyonse fikesa suntinkana umu mwine, lelo fyonse ni nkama na nomba.

Nomba, mailo ubushiku tulesango kuti icikakatikilo ica ntanshi calile, kabili uwaninine. Kabili Shikulu.... E ico ngafweni, nshatalile ukucishiba akale. Tapali nangu fimo pali ifi fintu ifyo natala ukwishiba akale. Cilya cishinka. Kabili ine nshili fye.... ukuya fye kulya lubali no kusenda Baibele no kwikala panshi, no kwikala kulya mpaka.... Ilyo cena caya cilekakatulwa nga filya, Ndasenda fye icilembelo candi no kutendeko kulemba no kwikala fye palya, nalimo pa ma ora, mpaka cena capwishwa.

21 Elyo ndabwelelamo, no kuya sanga, nge fyo ndemona uko Ena asosele ci.... Natontonkenye "Cisuma, cilemoneka kwati Nalimonapo cilya pa cifulo cimo." Ndasenda icitabo candi ica kumwenamo amashiwi no kulamonamo. (icintu cimo icapala filya), Kabili apa cena cili apa pene. Kabili elyo apa cena cili apa nakabili, apa cena cili kunuma uku, kabili uku lubali, kabili kulya lubali. Elyo Ndacibika cena mukati fye mulya. Ndeshiba ukutula ulya ni Lesa cikulu fye cena cilepashanya ilembo ne lembo. Ulya e musango ulingile ukucitilamo. Caba kwati ukulundinkanya icikulwa capamo, amabwe yalingile ukulingana ilibwe pe libwe.

22 Nomba, mailo mu bushiku twakwete ukwisulwa ukwa cikakatikilo ica citatu. Icakubalilapo cali kabalwe uwabuta, kabili icakonkelepo cali kabalwe uwakashika, kabili elyo kabalwe uwafita. Kabili tulesango kutila abaikelepo bali uwaikalepo umu wine inshita fye yonse. Kabili ulya ali ni munkanya kristu icakubalilapo. Ena takwete icilongwe, lelo aishilepokelela cimo pa ntanshi. Kabili elyo tulesango kutila lilya aishilepelwa ulupanga ukusenda umutende pe sonde, kabili tulesango kutila alicitile cilya. Elyo aishileisamo ne fishilano ifya kupela ulukuta ne ndalama, pa kulinga umulingo uwandalama pali ici kabili indalama shibili pali cilya. Lelo bena bali mukenye ukwikata ku mafuta na ku mwangashi, ifyo fyali ifinono ifyo fyasheleko.

Kabili elyo twali fuminipo mailo mu bushiku no bulondoloshi bwafyo amafuta no mwangashi fyali kabili na maka ifyo yena yakwete. Kutu limbi caumfwike cintu icabipako panono, lelo cena ni filya

fine icishinka.

23 Nomba, twaishile leka pali.... Leken pakashita fye akanono tubwekeshepo cilya nomba. Elyo kabili ... twaishile leka pa maka aya mwangashi, ifyo amafuta yaiminineko-Umupashi. (Ndemona imwe bonse na

mucilemba. Muli no kucisanga pa tepu, nga tamwacitile, kabili napakusanga amalembo.) ... ukutila amafuta lyonse cilangililo ica Mupashi wa Mushilo, nga filya ba nacicungu abapelelwa amano ukwabula amafuta kabili banacicungu aba mano na mafuta, ico caba Mupashi wa Mushilo, Kabili elyo ukubwekelamo muli bakasesema kabili na fimbipo.

Kabili nomba, mucine, Nshesha ukuleta amalembo ayali yonse mulya, kabili kwaliba ifintu ifyo teti ulandepo. Cilasenda inshite itali sana. Lelo ndesha ukubika umu pamo na malembo, kabili na fimbipo, ifyalinga fye ukupela abantu, pakutila cili no kubalenga bena ukwishiba kabili no kumona icikope ca cena.

Lelo nga kuti mwaikala panshi na cimo ica filye fikakatikilo, cinshi, mwe, imwe kuti mwasende imbila ya myeshi cila nshita ya bushiku pali cilya fye icikakatikilo kabili nalyo line ukwabula ukukumya cena, mwamona, pali cimo ica fyena. Cilya e musango uwingi uwabako kuli cilya. Lelo ukwikata fye ku fishinka ifyapulamo ifya cena, kabili lyena imwe kuti mwamona ifyo cena conse caba.

24 Nomba, nge fyo amafuta yemininako Mupashi wa Mushilo.... Lyena tulesango kutila amafuta kabili no mwangashi fyalisuntinkana mukupepa-lyonse fyasuntinkana mukupepa. Kabili umwangashi, Natila (ico caishile kuli ine) ukutila umwangashi cilangililako ukutila cena cali amaka aya kusansamusha ku busokololo, mwamona. Ni lilya ilyo icintu cimo casokololwa. Cilapela ukusansamusha ku wacetekela, pantu cena capelwa ku busokololo, Mwamona. Cena cintu cimo ico Lesa asosa. Cena ni nkama. tekuti mwiluke cena, mwamona. Kabili panuma ya kashita, Lesa aleka no kusokolola cena kabili elyo alashininkisha cena.

25 Ibukisheni, nge cine casokololwa, icine nakabili cilashininkishiwa. Lesa lyonse lyonse.... Te mulandu ifyo muntu aba uwacenjela, ifyo aba uwa mano mu mano yakwe, nga Lesa taleshininkisha ifyo alesosa, kuliko icintu cimo icalubana. Cilya cishinka, Pantu cena Cebo.

Nomba ilyo Mose aile kulya ukupitila mukuputwa ukwa kwa Lesa kabili atile, "Nakube balunshi," balunshi balishile. Atile, "Lekeni bacula bese"; bacula balishile. nga cakutila alisosele, "Lekeni balunshi bese," kabili bena tabaishile? Mwamona? lyena ena talandile icebo cakwa Shikulu. Ena alandile fye ... ena alandile icebo cakwe umwine.

Ena limbi alitontonkenye kulya kwalingile ukuba balunshi, Lelo kulya takwaishile balunshi nangu bamo pamulandu Lesa tamwebele filya. Kabili ilyo Lesa amweba icintu icili conse no kusosa, "Imwe kabiye ni muye cite ci, kabili Ndi no kuba fye pamo naco, pantu ici Cebo candi," kabili Ena alacilangisha muli Baibele, lyena Lesa aleminina kunuma fye ya cilya. Kabili nga tacalembwa muli Baibele, Lesa aleminina kunuma ya cena apaliponse, nga cena Cebo cakwa Lesa, mwamona. Kabili elyo nga cili kunse ka cilya, cilasokololwa kuli bakasesema. Ifwe tuleiluka ukutila inkama shonse ishakwa Lesa shilalengwa ukwishibikwa kuli bakasesema kabili bena fye beka. Amose 3:7.

26 Nomba, amaka aya busokololo yaleta ukusansamusha ku wacetekela, Pamulandu amaka ya mwangashi, umwangashi wa cifyalilwa, yaba ku kusansamusha, Mwamona. Cena caba kuleto muntu uyo uli uwatitikishiwa ukusansamushiwa, mwamona.

Cisuma, lyena.... Nomba, kwaliba amaka ya busokololo ubwa Cebo ukupela ukusansamusha kwa kusangalala kuwa cetekela-ukusansamusha kwa kwikusishiwa, ukusansamusha ukwa cena kulashininkishiwa, cena cashininkishiwa. Cena ciletwa mu Malembo, nge fyo tulefwaya ukusontelela kuli cena, ngo mwangashi uupya. Ifwe lyonse tusontelela kuli cena nga filya, nga "Aba nabanwa umwangashi uupya," atemwa umwangashi wa bumupashi. Ndetontonkanya ubwilulo ubwawamisha kuti bwaba ... Kuti bwaba pa mwangashi uwa bumupashi.

27 Nge fyo umwangashi uwa cifyalilwa uisokololo wine mu maka ayakusansamusha, eflyo no mwangashi uupya ucita ilyo wene ulesokolole Icebo cakwa Lesa, ico cabo Umupashi. Mwamona? Icebo icine caba Umupashi. Mulecetekela cilya? Lekeni fye tubelenge lyena. Lekeni tubelenge yena. Yohane Washila 6, lyena imwe tamwasose, "Cisuma, umuntu umo asosele cilya." Lekeni ifwe tumone uyo uwasosele cena, elyo kabili twalaishiba nga cakutila cena Cine atemwa iyo. Yohane Washila, icipandwa ca 6, kabili Ndecetekela cena ni vesi ya 63. cisuma. Ndetontonkanya ili elyo. Ee.

Cena mupashi e ulengwo kuba no mweo; umubili tekuti wafwe nakalya: ifyebo ifyo Nalanda kuli imwe, fyena mupashi, kabili fyena mweo.

28 Icebo icine caba Mupashi. Cena caba Mupashi mu musango wa Cebo. Elyo kabili, mulemona, ilyo cena capelwo bumi atemwa ukuletwa ku mweo, Umupashi wa Cebo ulatendeka ukubomba no kucite milimo, mwamona ... pantu cilya ... Nomba lolekesheni pano: itontonkanyo lilingile ukuba itontonkanyo lintu talilabe Cebo. Kabili ilyo itontonkanyo lyaletwa, cena cebo. Nomba, ili litontokanyo lyakwa Lesa ilyo Ena abikile mu Cebo. Kabili lyena ilyo twapokelela cena ukufuma kuli Wene, cena cilesa mukube Cebo. Lesa asokolwele kuli Mose ifya kucita. Mose alandile cena, kabili calicitike, mwamona. Cilya eco, ilyo cena mucine cine caiso kufuma kuli Lesa.

Nomba, tulesango kutila Cena cilasansamusha, kabili cena cilapelo kusangalala, pantu Cena caba Cebo cakwa Lesa. Kabili umwangashi uupya, umwangashi uupya ulasansamusha ilyo wene wasokolole

Cebo. Lyena cena cilaleta ukusangalala ukwapulishamo inshita shimo. Twalipitile muli cilya, ukutula cilaleta ukusangalala ukwakutula mpaka iwe uleisushiwa nganshi.

29 Nomba, Ninjishiba kwalibako ubuwelewele ubwingi kabili abantu ukucita ifya kucita cita. Ninjishiba inshita shimo balacicita ilyo inyimbo shilelishiwa kabili ifintu fyonse. Kabili nalishiba cilya cileya, kabili Ine nalicetekela cilya naco. Lelo nalimona abantu mu bushiku ilyo cikulu fye inyimbo shilelila, cila muntu aletoloka no kupunda; lelo ilyo inyimbo shaleka, balilekele. Ndecetekela.... ukutula cilya caliba fye bwino, ukulingana nge fyo naishiba. mulemona cikulufye abantu baleikala abalungama Kabili.... Lelo nomba cinshi ... mwatendeka ukulete Cebo. Nomba, cilya e cintu ico mucine cileto Mweo, caba Cebo. Kabili cilya cileto kusangalala kwa kusansamusha ukwa mwangashi uupya. Kabili cilya efyo cali pa Pentecosti, ilyo Icebo calangishiwe.

30 Nomba lolekesheni, nomba Yesu alibebele (Luka 24:49), "Moneni Ndemutumina ubulayo ubwakwa Tata kuli imwe. Lelo mukaye ku Yerusalemu no kulolela mpaka...." Cali ni cinshi ubulayo bwakwa Tata? Yoele 2:28, cinshi, tulesango kuti Ena ali no ku Pongolwelo Mupashi. Esaya 28:19, ifyo kukaba ukulongofyanya kwa milomo kabili ku ndimi shimbi kabili fyonse ifi fintu. Balile kulya, Kabili ... ilyo twapitile muli cena.

Nalimo umo atile, "Ndecetekela natulolela inshite iitali nganshi. Leken fye tucisumine cena kucitetekelo." Lilya lyali lisambilisho ilisume lya Baptist, lelo talyabombele na balya ba munyina. E ico kanshi, icintu cakubalilapo namwishiba.... Cali no kwisaba mu butuntulu, kabili balilolele pali bukapyunga bwabo, pa Cebo ukuti cishininkishiwe.

Kabili ilyo mwaisa ukufwaya Mupashi wa Mushilo, mulacite cintu cimo cine. Ee. imwe tekuti mwacisumina ku citetekelo. Imwe mulingile ukusumina Kristu ku citetekelo. Cilya cishinka nganshi. Kabili imwe mulasumina Mupashi wa Mushilo ku citetekelo. Lelo lyena lekeni Mupashi wa Mushilo ese no kumupelo kusembululwa nga kamboni ukutula Ena napokelela icitetekelo cenu, mulemona.

31 Abraham acetekela Lesa kabili capendelwe kuli ena kubulungami, lelo Lesa amupele icishibilo ica kusembululwa nge cishininkisho Ena alisumine icitetekelo cakwe. E ico cilya e cintu cimo cine ico tulingile ukucita. Ifwe tulingile ukulolela pa Mupashi wa Mushilo mpaka wene acite cintu cimo. Te pa mulandu sana sana uwakutula ifwe twalilandile mu ndimi, te pa mulandu twalishanine, atemwa ifwe twaishile kwata ifya kumfwa umfwa, ifwe twalipundile. Mpaka ifwe twapilibulwa! Mpaka icintu cimo mucine cacitika! Nshilesakama umusango cena caishilamo. Cikulu fye cena calicitike, cilya e cintu icikankala, mwamona.

32 Kabili Ndecetekelo kutula ukulandila mu ndimi na fyonse ifi fintu fimbi. Fili fye bwino. Lelo cilya fye cine ceka teti cibombe, kabili mwalishiba teti cibombe. E ico cena tacitika. Nalimone ndoshi ukulandila mu ndimi, nalimona abamanga ukulandila mu ndimi no kushanina mu mupashi. Mucine. Ukubika pensulo panshi kabili yena ukulemba mu ndimi ishishaishibikwa kabili umuntu umo ukwilula cena (cilya cishinka), kabili no kulande cine. Cilya cishinka. Ukulemba fye filya fine ifya citike, kabili cena cali fye filya fine muli ulya musango.

... Ukumona bena ukuposa ulukungu pa mitwe yabo no kuicekaula abene ne myele, no kuifimbilikisha apali ponse no mulopa uwa nama sha mpanga atemwa icintu cimo, kabili.... Mucine, kabili no kwita pali Kasebanya! E ico mulemona, cilya tacile ... ukulandila mundimi takucita.

"Nangula Nandile mundimi sha baume na ba malaika kabili nshikweto kutemwa, nshili kantu." Nangula Ningacita cena, mwamona. E ico filya fintu tafipilibulo kutula na mukwata Mupashi wa Mushilo. Lelo ilyo Ena, umuntu, Umupashi wakwa Kristu ushifwa nga waisaba Kapususha wenu mwebene kabili ukumupilibula kabili no kuposela amatontonkanyo yenu ukuleta fye mulya mu Kalbale, kuli ici Cebo, icintu cimo nacitika. Ee, mukwai. Icintu cimo nacitika. Takuli nangu umo ukesa mweba palwa cena. Imwe muli no kucishiba ilyo cacitika.

33 Umwangashi uupya, ilyo waleta busokololo, lyena cena casokololwa. Kabili ulya e musango cabelelemo pa Pentecost. Balishibo kutula kwalingile ukubako Umupashi ukupongolwelwa pali bena, kabili bena balilolele mpaka ici calicitike. Kabili ilyo icishininkisho ica busokololo cacitike, lyena ukusansamushiwa kwali pali bena. Bena mucine balicitile. Baishile bilima nabo.

Baile fye mu misebo; uko bena baletina kabili balisele ne fibi. Kabili bena balile mulya mu misebo-uko bena baletina ibumba lya bantu-ukushimikila imbila nsuma kuli bena. Cilya cishinka. Icintu cimo calicitike, pantu Icebo ica cine icalailwe calishininkishiwe.

Nomba lekeni twiminine pano pali miniti.

34 Nga cilya caletele ubutuntulu ubwa musango filya kuli balya bantu ukutula bena mupepi cila umo muli bena bakakatike ubunte bwabo no mulopa wabo.... Te mulandu icabaponene, ilyo lyonse bali no mweo bena tabatalile ukuciluka Cena. Cena caikele palya, pantu cali Icebo ica cine icalaiwa ukushininkishiwa. Ubusokololo bwaishile shininkishiwa. Kabili bena balifwile ukukakatiko bunte bwabo no mulopa wabo abene.

Nomba, lolekesheni ku bulayo ubwa nshiku sha kulekelesha. Kabili pano tulebumona ukushininkishiwa ku ntanshi fye yesu. Ukwisa ukulipo nomba ukwa Mupashi wa Mushilo kabili ne milimo iyo Ena alingile ukucita, kabili tulesanga cena mukati fye kesu. Owe, ifwe tulingile.... Owe, mwe! Musango nshi twingatala...! Icintu cimo cilacitika, ndekweba, we munandi. Ilyo umutuntulu, uwa cine, uwabufumacumi, uwacetekela uwalingilwa kabela ... ilyo lulyo Lubuuto lwasanikila pali ilye mbuto, icintu cimo cilafuma ku Bumi bupya.

35 Ulyo mwanakashi umunono pa cishima, ilyo balya bashimapepo abasambilila basosele, "Cisuma, ulya ni Ciwa. Ena ni kabuka. Ena aleeba fye balya bantu ifye shuko lyabo. Ena ni ciwa." Lelo ilyo ulyo mwanakashi umunono na ilye mbuto ilyalingilwa kabela....

Nomba, muletontokanya cilya tacili icalungama, Lelo Yesu atile, "Takuli umuntu uwingesa kano Tata amukula, kabili abo bonse Tata ampela, bakesa." Kabili munkanyakristu munshiku shakulekelesha akesa cita ... ulyo mupashi wa munkanyakristu uo tulesomapo mu bwina filonganino, kabili ukushininkisha ukutila ubwina filonganino ni munkanyakristu....

36 Nomba, ukucila cilya.... umuntu uuli onse ... kuti atalukako ukufuma kuno nga filya, kuliko icintu cimo icalubana-nga ena acili alecetekela ukutila imibombele ya cilonganino tayaba munkanyakristu. cinshi, cena mucine cine calishininkishiwa ukufuma mwi lyashi Iya kale, ukufuma mu fintu fyonse ifyabapo, ukupita monse muli Baibele yakwa Lesa ne fintu fimbi ifyashala, cena ni munkanyakristu, Kabili Rome e mutwe uwa cena. Kabili inkuta isho aleta shilakonka panuma. Kabili fyonse fibili fikaposwa kumbo. Cilya cishinka.

E ico tulemone ci cintu-munkanyakristu, umupashi wa wena. Kabili ubushiku ubo tuleikalamo, cinshi, cilingile ukuleto kusangalala ukushingalandwa kabili ukwaisushiwamo ubukata. Ulyo mwanakashi umunono umukote, lilya line cilya ca mwikeshe, mwe, imbuto yaishilemena....

37 Nomba, ibukisheni Baibele itila ukuti mu nshiku shakulekelesha uyu munkanyakristu akabepe sonde lyonse. Kukaba fye impendwa inono ayo amashina yabo yalembelwe pe Buku Iya Mweo ilya Mwana wa mpaanga ukutula ilyo umufula we sonde taulalengwa. Kabili ilyo kulyo kushininkisha ukwa cishinka ukwa Cine ukwa Cebo cakwa Lesa ica sokololwa kwa ikasha ulyo mutima, ena ali no kubutukila ku menshi, kabili kunse kulya na Mupashi wa Mushilo, na maka nganshi nge fyo enga cita. Kabili imwe teti mu mukanye ukukana cicita, pantu ubumi bupya na bubomba.

38 Nalelanda ku muntu te kale sana. Aleesha ukulanshanya na ine no kusosa, "Bushe tauli na nsoni ukusoso kutila Lesa alengele imyulu ne sonde mu nshiku shitatu, atemwa, mu nshiku mutanda?"

Natile, "Filya eflyo Baibele yasosa."

Atile, "Cisuma, natukwata icishininkisho kabili kuti twashininkisha ukutila icalo cabapo imyaka ba million."

Natile, "Cilya tacakwatapo icintu nangu cimo ica kucitapo na cena. Mu Kutendeka 1:1, Yatila, 'Mu Kutendeka Lesa alengele imyulu ne sonde,' inshita. Epela fye, Nomba isonde lyali ilya cimfulumfulu kabili tapali kantu." Kabili natile, "Ndecetekele mbuto yonse yali palya pene fye, ukufuma ku bwikashi bumbi atemwa icintu cimo, kabili lilya line fye amenshi yafumishiwapo kabili ulubuuto lwasanike pali yena, palya palimenene imiti ne fintu fyonse."

Icintu cimo cine no muntunse. Cena cipasho. Ilyo fyonse fi fifubefube fyafumishiwapo, kabili icine casokololwa kuli ilye mbuto ituntulu ili palya icili no bumi, kabili Ulubuuto ulwa Mbila nsuma kuti lwasanikila yena ku cishininkisho ica cine ica Cebo, lyena ili no kuba no mweo. Lyena yalikhwata Ubumi muli yena. Kunse ka cilya cena tekuti cibe no mweo. Yena taikwete ubumi muli cena.

39 Yalya mashina yabikilwe pe Buku ilya Mweo ilya Mwana wa mpaanga ilyo mufula we sonde taulalengwa, yakesa fuma fye mucine fye nge cintu icili conse. Ulya e mulandu wine Yesu aikalila Palya pene kabili alelelela no mulimo Wakwe uwa kupapatila mpaka ilye mbuto ya kulekelesha. Kabili Ena akesa ishiba filya fine ilyo lwena lwasanika.

Nge fyo Doctor Lee Valye.... Ndemona ena acili mukulongana pa cifulo pamo. Nshila mumonapo pa nshiku. Nshilecetekela nimumona. Ena ali apa. Cisuma, ubushiku bumbi antumine aka kapepala pafyo Ireneas asosele (nali bulile Ireneas ukufuma ukutali nganshi ukuba malaika uwa nshita iyo ena alimo), ukutila ena atile, "Ilyo cilye cilundwa ica kulekelesha ica Mubili caisamo muli iyi nshita ya kulekelesha, icintu cika sokololwa pali ilya nshita." Kabili ici cili apa, cili fye icalungama, mwamona. Tuli mu bushiku.

40 Cisuma, lyena ba Pentecostal balikwete ukusangalala ukwa cilamo. Bena mucine cine bali sansamushiwe. Ndetontokanya cilacito uli onse. Leken fye tusende pakashita. Leken tutontokanye palwa kwa Dabidi. Ena alisansamushiwe nganshi, nao. Atile, "Ulukombo lwandi nalwisula na pa mulu." Ndeplibula, ena alikhwete nshita ikalamba mu bumi bwakwe. Cinshi calengele wene ukucita cilya? Ilyo ena ali mu Mupashi, Pantu ena ali ni kasesema.... twalishiba ifyo ena ali. Baibele eflyo isosa-Kasesema, Dabidi.

Nomba, pantu ena ali ni kasesema, kabili ena ali mu Mupashi, kabili alimwene ukubuka. Nga mulefwaya ukubelenga cena, cisangwa mu Malumbo 16:8 ukushinta 11. Atile, "No mubili wandi waikala umutelelwe. Ine ndetusha mwi subilo, pantu Tamwakashe umweo wandi kumbo, nangula imwe ukuleka uwa Mushilo Wenu ukumona ububole."

Ndemwebwa, ulukombo lwakwe lwaliswile, pantu alimwene te mulandu ifyo cali.... Owe, alimwene ukubuka kabili ena ali mucine cine ... kabili ulukombo lwakwe lwaliswile.

41 Nakabili Dabidi alikwete ulukombo nalumbi ulwaiswile muli Samwele wa Cibili (abo abakwete ama pensulo yabo), Samwele wa Cibili 6:14. Kwali nshita iya cilala. Bena balisendele icipao. Abalwani balishilemo no kusende cipao cakwa Shikulu. Kabili balicisendele no kucibika ku cinso cakwa dagon, kabili dagon awilile pa cinso cakwe. Kabili bacitwele ku musumba umbi, kabili ifinkunka fyaishile pona. Cena cali icintu ica kabisha nganshi ico batalile ukukwata mu minwe yabo kulya lubali. Kabili bena balifililwe ukucifumyapo, pantu cali kunse ka cifulo ca ciko.

Nomba, ilyo bacibikile pali celeta wa ng'ombe shilume no kutendeka ukubwelelamo.... Kabili ilyo Dabidi amwene icipao cileisa, namwishiba ifyo acitile? Ena aishileisushiwa nganshi ulukombo lwakwe ukusansamushiwa ilyo amwene Icebo ukusokololwa nakabili mu Israele nakabili, alishanine mu Mupashi ukushinguluka kabili ukushinguluka kabili ukushinguluka, kabili ukushinguluka, kabili ukushinguluka, nga filya. Ee. Ulukombo lwakwe lwaliswile nganshi, mulemona. Cinshi? Alimwene Icebo ukubwekela.

Ndetontonkanya cilya kuti calenga uuli onse ukukwata ukusansamushiwa panono ilyo bamona panuma ya myaka yonse iyi, elyo kabili Icebo ca cine ku bulayo ukutila cikesaba, ukuletwa no kushininkishiwa. Ifyo yabe nshita! Ifyo yabe nshita!

42 Nomba, lekeni tubelenge. Ine ndelanda fye, kabili nshafike kuli ci, kabili nalalenga imwe bonse ukuba muno mpaka teni sate. Nalimufumya bwangu mailo mu bushiku, e ico ningile ukumisunga inshita itali nganshi muno bushiku. Iyo, nacila musekesha fye. Mwamona, Ndi ... ifwe tulefwaya fye ... nge fyo Shikulu ali no kutungulula. Nomba.

Kabili ilyo akakatwile icikakatikilo ica cine, naumfwile ishiwi lya ca mweo ica cine ciletla, Isa ... mona.

43 Nomba, ilyo Mwana wa mpaanga aiswile Icikakatikilo ica Cine.... Leken twiminine palya nomba-icikakatikilo ca cine. Nomba nani uwaiswile cena? Umwana wa mpaanga. Bushe kwaliko naumbi uwali uwalinga? Takwali nangu umo uwingacicita. Iyo. Umwana wa mpaanga aiswile icikakatikilo ca cine, kabili ica Mweo icalenga cine (icibumbwa ica mweo icapala nga kapumpe), asosele kuli Yohane, "Isa mona ifyo inkama iyalenga cine ye pange lya kulubula iyo yafiswa muli li Buku," pamulandu Umwana wa mpaanga aleisula Lyena. Mu mashiwi yambi, filya eflyo ena alesosa. "Kuliko inkama iyalenga cine pano. Ninkulangisha mu cilangililo." Nomba Yohane, nshishibe nga cakutila na wiluka Yena atemwa iyo, lelo ena alilembele ifyo amwene. lelo cali ni nkama, e ico alilembele ico amwene. Umwana wa mpaanga alekakatule fikakatikilo, kabili Lesa nalyo line tali no kusokolola fyena. Fyena fyashililwe ku nshiku sha kulekelesha, Mwamona.

44 Nomba, twalikhwete ifilangililo, kabili twalifwailisha pali cena, kabili no kucita ifisuma nganshi inshita shimo, mwamona. Lelo twalishiba Cena calitwalilila ukuya pa ntanshi. Lelo nomba, mu nshiku

sha kulekelesha ifwe kuti twalolekesha kunuma no kumona uko Cena cabelele. Kabili cilya calingile ukucitwa kulya ku mpela ya nshita ya lukuta, lintu fye ukusendwa takulacitika.

Ifyo uuli onse enga senda ulukuta ukuya ukupita mu nshita ya Bucushi, nshaishiba. Lelo ... cinshi ico Lwena luli no kupitila mu Bucushi, ilyo Lwena talwakwata ulubembu? Ndepilibula ... Nshilepilibula ulukuta; ulukuta lukapita mu bucushi. Lelo ndelanda palwa kwa Nabwinga. Nabwinga takwete ulubembu pali cena nakalya. Lwena lwali sangululwa, kabili tapaba nangula icena ica lwena-nangu cimo icashalapo. Bena balipwililika ku cinso cakwa Lesa. E ico cinshi ubucushi bwinga sangulula bena? Lelo bambi bakacita. Ulukuta luleisa mukupita mu bucushi; lelo te nabwinga.

Nomba, nomba twalisendele cena mu misango yonse iya filangililo nomba kwati.... ulukuta, Noah-icipasho cabasendelwe-baile mulya mu lubembu, mwamona. Nomba bena bali pitile mulya, lelo Enock alile intanshi. Cilya cali icipasho icaba mushilo abo abakengilamo ilyo nshita ya bucushi tailafika.

45 Nomba, tulesanga ukuti uyu Mwana wa mpaanga aiswile icikakatikilo. Nomba, ica mweo ica kubalilapo tulesanga.... nga mwamona, ica mweo icakubalilapo tulesanga cali ... ica mweo ica kubalilapo cali ni nkalamo, Icibumbwa ica mweo (twasangile cilya mwi buku ilya nshita sha Nkuta). Kabili elyo ica mweo ica cibili, ndecetekela, cali icinso ca ng'ombe ilume atemwa umwana wa ng'ombe. Kabili ica mweo ica citatu cali cinso ca muntu. Lelo ica mweo ica cine cali icinso cakwa kapumpe. Nomba, cilya ni filya fine umusango twafisendelemo ukushinguluka, filya fine fye nga filya, Kabili filya ni filya fine umusango fyena fyabikwa na mwi Buku umu.

46 Kabili elyo.... kwaliko kasambilisha umukalamba pa nshita imo mu Florida ukusambilisha, ukusoso kuti



ibuku Iya Milimo ya Batumwa Iyali fye umulimo wa kwambilapo uwa ku lukuta-ulukuta lwasangilwe mu Mbila nsuma shine. Kabili tulesanga ukuti ulubali lubiye ukufuma kuli cilya: ukutila cena e Mbila nsuma shine isho shicingilila ibuku Iya Milimo ya Batumwa. Caba ukufuma kuli shilye Mbila nsuma shine uko ibuku Iya Milimo ya Batumwa Iyalembwa-imilimo iya Mupashi wa Mushilo mu batumwa. Kabili tulesanga na mwi Buku, ukutila balya ba malonda balikele palya ukulalolekesha kukabanga, kukulyo, ku masamba, kabili ku kuso. Ibukisheni ifyo twacilengele kuno lubali, Kabili ifyo cali ica wamisha, icapwililika ifintu fyonse fyafikile fye pa cifulo ca ciko?

47 Nomba, ndefwaya imwe mumone. Atile, "Isa kabili umone." Yohane.... Nomba ndefwaya Imwe mumone nakabili, ilyo ici.... Nomba, ici apa e cakulekelesha pa baninine ukusokolola ukubomba kwa munkanyakristu. Mailo bushiku tukafika pa myeo ili pesamba ya cipailo; inshita iya bushiku ikakonkapo, ama bupingushi; inshita ya bushiku, ukuya ukwa mpela ya nshita, impela ya nshita, iya fintu fyonse, mwamona-ilyo Wene akasendwa.

E ico kanshi, mulya mwine muli cilya Cikatikilo calenga cinelubali kulya ukupongolokela inweno, kabili ifintu fyonse ifyashala fikapongoloka. Ifyo fyena fyaba, nshaishiba.

48 Moneni. Lelo nomba, pali ici apa, tulesanga ukutila uyu muntu apa ena ni kapumpe-uyu muntu ukutila atemwa ici cibumbwa ica mweo-ico icileisa apa nomba. Atemwa mu mashiwi yambi, kwaba inshita shine ishapusana pusana isha Cena. Kwaliko inshita ya nkalamo. Kabili tulesanga ukuti, iyi ukuba inshita iyalenga cinelubali.... Kabili atile, "Isa kabili umone inkama iyalenga cine iye Buku iyakulubula iyo yafiswa muli li Buku. Isa umone." Kabili Yohane alile mukumona, kabili amwene kabalwe uwa butulukila, Kabili nakabili uwaikalepo umo wine pali uyu kabalwe uwa butulukila. Nomba ena nakwata ishina ilitwa Imfwa.

49 Nomba moneni, tapali nangu umbi uwaninine ... tapali bakabalwe bambi, atemwa inshita imbi iyo uyu uwaikale atalile ukunina, bena tabakwete ... ulyo muntu takwete ishina. Lelo nomba ena aleitwe

Imfwa. Cena tacalumbulwa.... Ena nasokololwa nomba. Ifyo ena aba, ni mfwa. Cisuma, ifyo twingekala pali cilya pa mbila no kucilenga ukuba palwalala! Lelo icintu cili conse ico caba munkanya, ico caba icakususha icintuntulu, cilingile ukuba imfwa Pantu kwaba fye ifintu fibili. Cilya caba umweo ne mfwa. Kabili cilya cileshininkisha ukutila ubusokololo ubwa Mupashi wa Mushilo ubwa ici muli buno bushiku bwaba fye filya fine icine. Munkanya, ena ni mfwa, Pantu Icebo (nge fyo twalaisa mona pantanshi apa) cena Mweo, Mwamona. Kabili uyu muntu aleitwa Imfwa.

50 Nomba, tacalumbwilwe mu nshita shimbi ica uyu uwaninine. Lelo ukutula.... Nomba cena nacilumbulwa ukutila ena etwa Imfwa. Lelo mu Kusokolola ukwa nkalamo.... Nomba moneni! Ndefwaya ukubelenga ici bwino pakutila Ningaba uwashininkisha. Cena nacilembwa cimo icifulo.Cena cili pano.

Ukupitila.... Tacili ukupitila mu busokololo ubwa nshita ya nkalamo atemwa uwa nshita ya ntanshi, inshita ya kubalilapo, ici tacasokolwelwe. Inshita imbi iya konkelepo yali ni nshita iya ngo'mbe ilume, ico cali ni nshita ya mfifi, Inshita ya Pakati. Cena tacasokolwelwe nge fyo cena cali. Nangula ica Mweo icapala ngo muntu ica mano, ukwimininako bakalungamika Luther na Weslye kabili na bambipo, cena tacasokolwelwe. Lelo mu nshita yakwa kapumpe, inshita ya kulekelesha, inshita ya busesemo uko kuli no kwisa icebo ica busesemo, mwamona, kuli uyu inkama lyonse shisako....

51 Nomba, kulya eko tuli fye.... Twalakokolako pali cilya pakashita akanono muno bushiku pakutila imwe mwingomfwikisha bwino bwino. Nomba, munshita ishingila, muleshiba ifi ... Nshilelanda fye kuli ili bumba muno. Aya matepu yalaya ukuli konse, mwamona. Kabili ningile ukucilenga ukumfwika palwalala. Pantu umo muntu akasenda fye tepu imo, elyo kabili nga bena tabalesenda yonse ayashala, bena bonse tabeshiba, mulemona.

Lesalilaya ici, mwamona, kuli buno bushiku, ku wakulekelesha ukupwisha kwa fyonse ifi fintu ifyapusana pusana ifyo fyapita kabili fyabe fyasankanishiwa. Ifwe twalikwete ifya kufwala fyakwa Eliya; twalikwete imingila yakwa Eliya. Owe, kwabako abantu abo abali.... John Alexandar Dowie alishikwa kulya lubali ukupombwa mu mwingila-atile ena ali ni Elisha. Kabili ifwe twalikwata imisango yonse iya fintu nga filya fine. Cena ni cinshi nangu cibe fyo? Cena caba fye ukufumyapo icine ico cili no kupelwa.

52 Bena balikwete bakristu aba bufi lintu inshita yakwa Yesu tailafika, mwamona. Bena lyonse balacita cilya. Cena ni Satana ukuleta icabufi ukufulunganya amano kabili ne citetekelo ca bantu lintu icintu mucine tacilacitika. Epela fye.

Bushe Gamaliel tasosele icintu cimo cine ku baYuda bulya bushiku? Atile, "Bushe takwaliko umuntu uwaimine no kuilumbula ukuba ici, Kabili basendele abantu imyanda ine mulya mu matololo Bena balyonaika?" kabili nafimbipo.

Atile.... "Umusambo onse uo Tata uwa mu mulu tabyele," Yesu atile, "ukanukulwa."

Gamaliel atile, "Balekeni beka. Nga cena tacili cakwa Lesa, tacakaye nangu kumo? Lelo nga cena

cakwa Lesa, imwe mukaisanga mulelwa na Lesa.” Umwaume abonfeshe amano. Ena ali nikasambilisha.

53 Nomba moneni. Nomba, ukupwishisha shonse ishi nkama, Lesa alilaya ukutila kukesaba Eliya umwine mwine uukema-umwaume umo uwasubwa na ulya umupashi-kabili cena cikasokolola. Alilaile cena muli Malaki 4.

Ni nkata ifyalembwa kabili ne nkalata isho shisoso kutila cilya tacili ifyo, lelo kuti Natemwa ukulanda kuli ulyo muntu. Cinshi, imwe tekuti mukane cena. Onse umwine mwine uwasambilila ifyabulesa umusuma alishiba cilya ukuba icine, ukutila bena balelolesha cena.

Lelo umusango umo wine nga filya caishile na Yohane, katangilila uwa nshita ya ntanshi yakwa Kristu. Cinshi, bena taba mwishibe pantu kwaliko ifintu ifikalamba nganshi ifyasesemwe pali wene. Cinshi, ena ali ukulenga incende shonse ishasumbukwa ukuba ishatambalala, incende shonse isha tambalala ukuba ishasumbuka, incende shonse isha lundumana ukuba ishabatama. Owe, ena.... Bakasesema-Isaiah, imyaka imyanda cinelubali ne kumi limo na fibili ilyo talafyalwa; kabili Malaki, imyaka imyanda ine ilyo talaisa mukumonekela-bonse balya baliseseme pali wene. Kabili bena balesubila ulukungu lumo ulwa ku Mulu ukuletwa pa nshi, kabili uyu kasesema ukwenda ukufuma fye no mutambu wakwe mu minwe yakwe ukufuma kuli Lesa.

54 Kabili ni cinshi cacitike? Umwaume uo teti nangu alangishe ne citupa cakwe ice senge, ena tekuti alangishe icakwishibikilwako, aikele mulya mu matololo, ukwabula nangu amasambililo aya kusukulu ayaseka. Balitweba kuli bakalemba welyashi lyakale ukutila aile mu matololo ilyo ali ne myaka ya kufyalwa pabula, panuma ya mfwya ya ba wishi na banyina, kabili akushiwe.... Umulimo wakwe wali ukankala nganshi ukuifulunganya na serminary imo. Ena ali no kubilisha Mesaya.

Lesa tekuti abomfye umuntu uyo waisushiwa nganshi na masambililo aya fya bulesa. Ena tekuti acicite pantu ena lyonse akalabwelela kunuma. Ulya e mushilwa wakwe uwa masambililo. Ena alabwekela kunuma kuli cilya. E ico elyo ena aleye ukumona icintu cimo, ena alwisha ukubwekela kunuma ku fyo bakasambilisha basosele. Kutu cawama nga ena alitalwikeko ukufuma kuli filya fintu no kucetekela fye Lesa.

Kabili tulesanga ukutila balimulufishe wene. Nangu abatumwa ukwiminina kulya bali mulufishe wene. Cinshi, bena batile, “Cinshi ico amalembo yasosela (bakalemba basosa) ukutila Eliya....”

Atile, “Cisuna, Ena alisa kale, kabili imwe tamwamwishibe.”

Kulya eko Ndepashanya ukubuka, atemwa ukusendwa. Kwena kukacitika kabili bena baka.... Ni njishiba cilya cileumfwike ceni, lelo nalimo muli no kwishibilapo nafimbi ifingiko panonoko fye panuma ya nshita ino iya bushiku, nga Shikulu asuminisha, umusango fye cili no kubelamo, mwamona. Cena cikaba ni nkama nganshi tapali nangu umo ukeshiba palwa cena, nangu panono. Isonde likatontonkanya fye ... ukuya fye pantanshi nge fyo lyonse licita, mwamona. Ulya emusango cena lyonse cicitilamo.

55 Namwishiba, Ndetwishika nga cakutila umo ... Ndesosa umo-pa ciputulwa amakumi pabula ica bantu pe sonde balitalile ukwishiba Yesu Kristu aali pano ilyo Ena ali pano. Namwishiba ilyo Eliya aseseme, Ndetwishika nga kwaliko uuli onse uwaishibe ukutila ena ali.... Bena balishibe kwaliko ishilu kulya lubali, umo mukote uwafulungana. Lelo bena bali mupatile. Mucine. Ifyo bena baleita uwaibela.

Ndetontonkanya Umwinakristu onse uwafyalwa cipya cipya aba ngo uwaibela kwi kwisonde, pantu imwe mwaliplibulwa. Imwe mwafuma ku calo cimbi. Umupashi wenu wafuma ukuciluka umukonko. Kabili ici cintu apa calikoweshiwa nganshi. Nga tamuli abapusana, kuliko icintu cimo icalubana-imwe mucili abakakwa nganshi pe sonde. Imwe mulingile ukutontonkanya ifya mu mulu, Kabili umulu wikalila ku Cebo.

56 Nomba, tulemona ukutila ici cintu icikalamba calicitike. Nomba, twalicketekela ukutila kuli no kwisa umupashi uwa cine uwakwa Elisha. Calilandilwa kabela cikesaba, mwamona. Kabili ifwe tulingile ukwibukisha cena cikesaba pano mu nshita ya ciko iyene ne nshita. Ifwe limbi tulebika umufula wa cena nomba. Kabili cena tacakabe akabungwe nangu kamo.

Ine ndasushanya no munandi umusuma pali cilya. Asoso kutila cikaba libumba ilya bantu. Ndefwaya iwe ukunangisha cilya ku Malembo. Lesa, Lesa ushipilibuka, takatale ukupilibula amapange Yakwe. Nga Ena alecita, lyena Ena tali ni Lesa. cilya cishinka, pantu ena mwina kufwa, kabili ena alishiba nge fyo Ine ncita, kabili ena alapanga ifilubo. Lesa tatala ukupilibula amapange Yakwe ukutula fye inshita ine mwibala lya Edeni. Ena alipangile ipange lya kulubula. Cilya cali mu Mulopa.

57 Kabili ifwe twalyesha amasambililo; ifwe twalyesha bukateka ubwa buluku; ifwe twalyesha ukwishibako amano; ifwe twalyesha ubwinafilonganino. Ifwe twalyesha ifintu fyonse ukusunka umuntu onse capamo, ukutemwana umuntu onse capamo, kabili ne fintu ifyashala. Takwaba incende imbi iye senge kano fye pe samba lya Mulopa, incende fye yeka iyo Lesa akumanyapo umuntu.

Lesa lyonse abombela no muntu umo. Abantu babili balikwata amatontonkanyo yabili. Takwatala

ukubapo bakasesema babili abakalamba pe sonde ukusesema pa nshita imo ine. Lolekesheni kunuma kabili moneni nga kwaliko. Iyo, mukwai! Icimfulunganya icingi. Ena alingile ukusenda umuntu umo umupwilapo uwaipela no kubomfya ulya muntu. Ena alafwaya ulya muntu, Lelo kukesaba umo inshita imo, umuntu umo uyo ukomfwila kuli Wene Icebo pa Cebo.

58 Nshilesakamana ifyo muntu onse engasosa, bena tabakatale ukufuma kuli cena. Cilya cishinka. Bena bakalolela pali, "Efyo asosa shikulu," Kabili bena tabakasele mpaka lilya. Ena akashininkishiwa bwino bwino. Nomba, isonde Iya kunse lika cipata. Lelo imbuto yasalwa, imbuto iyalingilwa kabela-nga filya kwali mu nshiku shakwa Yesu.... Ilyo lulyo lubuuto lwabyasha, ilye mbuto ili nokwisa ku mweo nga filya. Bena bakeshiba cena. Bena bakaciluka cena. imwe tamwakasosepo ishiwi palwa cena.

Umwanakashi atile, "Mukwai, Ndemona imwe muli kasesema. Ninjishiba ilyo Mesaya akesa, Ena alingile...."

Ena atile, "Nine Wine."

Mune, cilya cali icalinga! Ena tali no kulolela inshita yonse iya bushiku kabili ukulolela inshita imbi iya bushiku. Ena alikwete cena lilya line. Ena ali mu nshila yakwe. Ena alebeba palwa cena.

59 Nomba ibukisheni. Nomba mu nshita ya kubalilapo cali ninshita ya nkalamo. Cilya cali ni Nkalamo iya mukowa wakwa Yuda-Kristu-ukongola Kwakwe umwine ukwa bumi kwasendele ilya nshita. Cilya e ca mweo ica ntanshi (ico cilepilibula amaka), ico caaswike kwi shiwi ilya buntu.

Inshita imbi iya konkelepo yali ni nshita iya ngo'mbe ilume, atemwa inshita iya waninine pali kabalwe uwa fita, mwamona. Nomba, umulandu uo iyi nshita ya kubalilapo yali ni nshita iya buta, cali ukuti.... Nge fyo lyonse naumfwa abantu ukusosa ukuti ulya uwaninine uwakubalilapo, uwa buta, cali amaka ya lukuta, ayaile kukucimfya. Kabili tulesanga kuti ena alipelwe icilongwe, cilya cali eco. Cena cali lukuta. Cena cali lukuta, lelo ni kwisa uko ena aile? Aile ku Rome, Kulya eko ena acitile. Ena apokelele icilongwe cakwe.

Nomba, inshita ya cibili yali uwaninine pali kabalwe uwa kashika, ico cali inshita ya mfifi.

Kabili nomba, inshita yakonkelepo cali umuntu uwa nshita ico cali uwaninine pali kabalwe uwa fita. Kabili ena ali inshita iya bakalungamika, mwamona, ishiwi ilyo lyalandile.

Nomba, uwaninine pali kabalwe uwa fita-ulya ali ni munkanyakristu. Lelo ulya umo uwalelanda muli ilya nshita alimininweko ngo muntu. yalya mano-ukucenjela, ubucenjeshi, mwamona. Kabili bena tabacumfwile, mwamona. Bena tabaitile.... Bena taba mwinike, mwamona. Bena basosele fye cena calile.

60 Lelo nomba ilyo yaisa inshita yakwa kapumpe, ulya ni ulya wine Uo Lesa lyonse apashanya bakasesema bakwe kuli-bakapumpe. Alaita Umwine kapumpe. Kapumpe alaya pa mulu sana takwaba icintu cimbi icinga mukumyamo. Ena taba fye pa mulu palya, lelo ena alengelwa cilya cifulo. Ilyo ena

afika pa mulu palya, ena kuti amona apo abelele. Abantu bamo balaya pa mulu palya kabili tekuti bamone apo babelele, e ico tacicita icisuma nangu cimo ukuya pa mulu palya. imwe mukaleke mwankole akeshe ukupupuka pamo na kapumpe, atemwa ulukoshi, cimo pali ifi, cena kuti cawa. Cena cilingile ukukwata amaka ayakupupukilako uko cilya.

61 Bulya e bwaba ubwafya ilelo. Bamo muli ifwe tatukwata amaka. Tulanenuka bwangu bwangu, mulemona, ilyo tuletoloka. Kabili ifwe tulingile ukukwata amaka. Ilyo mwaya pa mulu palya, mwakwata ukumona kumo kwine ukwa kwa kapumpe ukumona ico cileisa kabili no kwishiba ifya

kucita. Nomba, inshita yakwa kapumpe yalisokolwele cena. Nomba, tulesanga ukuti inshita yakwa kapumpe yalilaiwe mu Kusokolola 10:7, kabili na muli Malaki 1:4 cilya cali no kuba mu nshiku sha kulekelesha, mwamona. Cilya cishinka-ukutila yali no kuba pano. Cisuma.

62 Moneni. Nomba, uyu muntu, tulesanga ukutila ena nanina pali kabalwe uwa butulukila. Uwabutulukila-owe, mwe! Moneni, panuma ba Protestanti ba million amakumi mutanda na cinekonse konse, nge fyo twasendele ukufuma kuyakwa Schmuker's "Ukulungamika ukwa bukata"ukwaba ipaiwe aba mu Rome, mailo ubushiku.... Tulesanga ukuti ukufika pa mpendwa ya 1500 (Ndecetekela cali, atemwa ikumi limo na cinekonse konse, Nshileibukisha bwino bwino).... Lelo cena cali ba million amakumi mutanda na cinekonse konse abapaiwe aba sushishe ulukuta lwa ntanshi lwa Rome-Rome.

E mulandu wine ena kuti aipashanya umwine mwi shina Iya buntu ilya ... no kwitwa Imfwa. Ena mucine efyo ali! Nomba. Lesa alishiba fye ni banga abo alengele ukufwa ku mupashi ku lyakwe munkanya Baibele ukusambilisha kwa cebo. Aba ni balya ebo abikile ba million amakumi mutanda na cinekonse konse kulupanga no kubepaya; kabili nalimo mubutuntulu ba billion balifwile ku mupashi pa masambilisho yakwe aya bufi. E mulandu wine ena kuti asenda ishina Iya Mfwa.

63 Mulemona uwaninine? Mucifulo cakubalilapo nga munkanyakristu, ena ali ni mfwa icakwambilapo, lelo ena ali uwakaele lilya. Elyo ena apokelele icilongwe ( ica tufutu tutatu), kabili ilyo ena acitile, lyena

aishile bampanya.... Satana ampenye ulukuta lwakwe no buteko pantu ena ali pali fyonse ifya fyena lilya. Munkanyakristu ali ni Satana mu musango wa muntu.

Elyo kabili na cimbi, Mateo washila, Ndecetekela eyo, icipandwa ca 4, ciletweba ukuti Satana asendele Yesu, Shikulwifwe, pa mulu no kulangisha Wene amabufumu ye sonde, yonse fye, mu kashita fye akanono, na ma bukata ya yena. ayapele kuli Wene Kabili atile yena yali ayakwe!

E ico, mulemona kanshi, nga ena kuti aampanya ubuteko bwakwe no lukuta lwakwe capamo, lyena uwaninine pali kabalwe uwakashika kuti aninina mucine nganshi. Mucine!

64 Lyena tulesanga ukuti inkama yakwe pano mu lukuta lwakwe no buteko. Iciputulwa ica cine ica bukapyunga bwakwe, ena aleitwa iciswango. Intanshi ena aleitwa munkanyakristu, elyo ena aleitwa kasesema uwa bufi, kabili ena aleitwa iciswango. Nomba, tulemusanga pano ukuba aleitwa iciswango....

Nomba, Ndefwaya imwe ukumona cilya ni panuma ya kabalwe uwalenga cine. Kabili muli uyu kabalwe uwalenga cine, nga muli no kumona, bonse.... Uwakubalilapo ali uwabuta, elyo uwakonkelepo ali uwakashika, uwakonkelepo ali uwafita, kabili uwa cine.... Bonse aba bambi batatu baiminineko mulya cena pantu icabutuluka cintu ca kashika kabili ne cabuta, kabili e ico ukusankanishiwa capamo. Mwamona? Cena calisankanishiwe conse muli uyu umo kabalwe, Mwamona. Kabili kulya aishileba uwacine ... atemwa mucine batatu muli umo, kabili cena conse calisankanishiwe muli cilye cintu cimo.

65 Nomba Ndefwaya imwe mumone bane aba. Moneni icishilwa ca kunse ica bane ica nsamushi isha bumupashi. Lesa aba muli fitatu. Ici ni fine. Ena ali muli fine pano. Intanshi, munkanyakristu, ica buta; ica cibili, kasesema uwa bufi, uwakashika; ica citiatu, inkonkani ya mu myulu ne sonde kabili umutwala, ica fita; ica cine, iciswango, kabalwe uwa butulukila, Satana ukuposwa ukufuma ku mulu. mulefwaya ukubelenga cilya? Ukusokolola 12 na 13. Satana ukuposwa ukufuma ku mulu, elyo mu Kusokolola 13: 1-8, ena aisingila mu muntu uwa ciswango. Ena intanshi ni munkanyakristu, ukuba fye isambilisho ilyaleitwa Ubwinikola. Elyo aisaba ukufuma cilya kuli kasesema uwa bufi.

Nga ena ni munkanyakristu, munkanyakristu ni, "ukususha." Icintu icili conse ico cisusha Icebo cakwa Lesa caba ukususha Lesa, pantu Icebo ni Lesa. "Mu Kutendeka kwali Cebo, ne Cebo cali pamo na Lesa ... ne Cebo caishilelengwa ubuntunse [Kristu], no kwikala mukati kesu." Kabili nomba ena alasusha Icebo, e ico ena ni munkanyakristu. Lelo umupashi tekuti ufwikwe cilongwe. ulya e mulandu wine ena tapokelele icilongwe-Akwete fye ubuta ukwabula imifwi.

66 Kabili lyena ilyo ena aisa inshita ya kufwikwe cilongwe, lyena aishileba kasesema uwabufi ku kusambilisha kwakwe ukwa munkanyakristu. muleumfwa ici? Lyena alesenda ulupanga, pantu aleampanya amaka yakwe capamo. Lyena ena talingile ukwipusha umuntu nangu umo. Ena ni cilolo uwa buteko; ena ni cilolo uwa mu mulu. Apokelela icilongwe ica tufutu tutatu aleipangila umwine ilyano ilitwa "umutwala," nikwisa nga bamo muli bena balifwile kunuma kulya, kabili na bakwata indalama shimo kabili balefwaya ukubalipilila ukubafumya, ena kuti abapepela ukubafumya muli kwena. pantu ena nakwata amaka ukucita ico. Ena ni nkonkani. Mucine cine ena eflyo aba. Ena alesenda icifulo cakwa Lesa pe sonde. Nga cilya tacili palwalala nge cintu ici conse....

Tulesanga cena, cikonkeni cena ukupita muli Baibele-pendeni impendwa ya fipendo fyakwe kabili ne fintu ifyashala. Uyu ali apa. ukubika ena uku kwine kunuma ku mpendwa ya cine (te mpendwa ya citatu), impendwa ya cine, mwamona.

67 Nomba lekeni tupilibule ... Ukusokolola 12. Lekenitubelenge fye ici panono fye pantu ifwe twalakwata inshita ya kucicita. Lekenitubelenge Ukusokolola icipandwa ca 12 kabili na vesi ya 13.

Kabili ora imo ine kwali icinkunkuma....

Iyo, Ninkwata icifulo icalubana. Ica 13.

Kabili ilyo icing'wena camwene ukuti caposelwe pe sonde, calamete umwanakashi uwafyele umwana mwaume.

68 Nomba mulemona, ena alitamfiwe pe sonde kabili aishileikala mu mubili. Ngo mupashi wa munkanyakristu waisaba mu mubili wa muntu, ulyo muntu alesa mukupilibuka ukufuma ku cintu cimo ukuya kucibiye-ukufuma ku mupashi wa munkanyakristu ukwisa kuli kasesema uwa bufi, elyo kabili iciswango cileisa muli wene.

Nga filya fine fye nge fyo lukuta lukula. ulukuta lwakwe lwaile ukufuma kuli munkanyakristu ukuya kuli kasesema uwa bufi. Kabili mu nshita ikalamba ileisa iciswango ico cali no kwima.... E ico ulukuta luleisa mu musango umo wine, ukupitala mukulungamikwa, ukusangululwa, kabili no lubatisho lwa Mupashi wa Mushilo ni Kristu ukuba mu bantu-filya fine fye! Kabili ena alikwata ica kupashanya ica cena uku lubali, mwamona-icipasho ica cena, ntile. Ulya ali palya filya fine fye. Ulya ni wene, akatamfiwa ukufuma ku mulu.

69 Nomba, tulesango kuti mu Kusokolola 13:1 ukushinta 8.

Kabili Naiminine pa munsensenga wa pali bemba, no kumona iciswango cilefuma [Nomba iyi apa 12, uko atamfiwe. Nomba, tambeni.], ukumona iciswango cilefuma muli bemba, cili ne nsengo ikumi ne mitwe cinelubali, na pa nsengo shaciko ingala ikumi, na pa mutwe wa ciko amashina ya miponto.

Kabili iciswango ico Namwene capalile imbwili, na makasa ya ciko....

Owe, nga twalikwete fye inshita nomba, ifwe kuti twasenda inshita yonse iya bushiku kuli filya fine ifilangililo fyabo palya, no kulangisha ... kufileta ukutonta fye kuli wene nakabili. Ili.... Lyonse mwe bengi imwe mwalishiba cilya ukufuma ku masambililo yambi

... nikwisa ngokwaba amakasa ya bere, na kanwa ka ciko nga kanwa ka nkalamo: kabili icing'wena cacipele amaka ya ciko, ... ne cipuna, kabili ... ulupaka. [Satana mu Mubili, mwamona.]

Kabili Namwene umo uwa mitwe ya ciko amoneke ngo uwakomenwe no kufwa;...

70 Kabili ukuya pesamba, cena cileya ukucilapo. Ilyo mwakwata inshita ukubelenga ukuya pe samba. Iyo, lekeni tubelenge fye panono.

Kabili Namwene umo uwa mu mitwe ya ciko wamoneke ngo wakomenwe no kufwa; kabili ne mpumo ya mfwa ya ciko yaliposhiwe: kabili aba pe sonde bonse bakonkele iciswango balepapa.

Muloleshe fye. Mwikesha ukulolekesha communisim. Cena tacaba nangu cimo kano icibombelo ukwangala mu minwe yakwa Lesa ukwafwilisha imwe ubushiku bumo ukukwata ... ukulandula umulopa, nge fyo tukacikwata mailo ubushiku.

Kabili bapepele icingwena [Nani uwali icingwena? Satana. Cilya cishinka? "Icingwena icakashika. Cisuma.] icapele ulupaka ku ciswango: [ni kwisa uko capokele amaka ya ciko, mwamona]: kabili bena balipepele ciswango, abati, Nani uwapala iciswango? nani uwingakwanisha ukulwa naco?

Kabili bapelwe kuli cena akanwa akalesosa ifikalamba ne fya miponto; kabili capelwe ulupaka lwa kukonkanyapo pa myeshi amakumi yane na ibili.

Kabili ca yasamwine akanwa ka ciko ku kusose fya miponto pali Lesa [Mwacimona], ukupontele shina lyakwe [ukumupela icakulumbwilako], no bwikalo bwakwe, [ico caba ni ncende iya kwikalamo Mupashi wa Mushilo, ukupange cifulo mu Rome, Umusumba wa Vatican. Imwe kuti mwatwalilila fye ukuya pesamba.] kabili balya abaikala mu mulu [bali bapontele pa kusoso kutila bali ni ba kapapatila].

71 Kabili capelwe ukulwa na ba mushilo [kabili ali citile], kabili no kubacimfya:

Ali citile-bali bocele pa cimuti, bali balishishe ku nkalamo no kubepaya mu musango uuli onse uo cingacita.

... kabili capelwe no lupaka pa mukowa onse, ... indimi, ne nko.

Cena tacatalile ukuba muli ulya musango mu Rome mpaka Rome wacisenshi apilibwilwe mu Roma wa cipapa, kabili amaka ya Katolika yasalangene mwi sonde kabili ukupanga ulwacalo conse ulukuta lwa Katolika.

Kabili abekashi aba pano nse bonse bakacipepa, onse ushalembelwe ishina lyakwe mwi buku ["Mwikumya amafuta Yandi no mwangashi."].... Kabili abekashi aba pano nse bakacipepa, onse ushalembelwe ishina lyakwe ukufuma ku kulengwa kwa pano isonde mwi buku ilya mweo ilya Mwana wa mpaanga uwaipaiwe.

Ngo muntu aba no kutwi, omfwe.

Ngo muntu ali ubwakuya muli bunkole muli bunkole emo akaya: ngo muntu epaya ku lupanga ku lupanga lwine eko ali no kwipaiwa. Pano epali ukushipikisha no ... kutetekela kwa ba mushilo.

72 Nomba, twali mukwete aleisa mailo ubushiku no lupanga lwakwe ulukalamba ukwipaya. Tulesanga ukutula ena akepaiwa ku lupanga, nao, ulupanga lwa Cebo. Icebo cakwa Lesa-icatwa, ulupanga ulwa twila kubili kubili-lulemwipaya, ukumubika fye panshi. Loleleni mpaka filye fibulumo cinelubali fikalande amashiwi ya fiko fya lilye bumba abo mucine abenga senda Icebo cakwa Lesa no kucipela cena kulya! Cena cikacekaula no kuputula. Bena kuti baisala imyulu. Bena kuti baisala ici, atemwa ukucita cilya-conse ico balefwaya ukucita.

Ena akepaiwa ku cebo ico cifuma ku kanwa Kakwe. Caba icatwa ukucila ulupanga ulwatwila kubili kubili. Bena kuti baita balunshi abafina ba billion umwanda nga balefwaya ukucita. Ameni! Conse ico basosa cikesa citika, pantu cena cebo cakwa Lesa ukwisa ukufuma mu kanwa ka kwa Lesa. Ameni.

Lesa lyonse.... Cena Cebo cakwe, lelo Ena lyonse abomfya umuntu ukubomba cena. Lesa kuti aita

balya ba lunshi kulya ku Egypti, lelo Ena atile, "Mose, ulya mulimo obe. Nalakweba fye ifyakucita, kabili kabiye iwe ucicite." Ena alicicitile mubutuntulu, Mwamona. Ena nga lisalile akasuba ku kubeta. Ena kuti alenga umweshi ukwita cena, atemwa umwela ukwita cena. Lelo ena atile, "Mose...." Ena asalile umuntu. Cisuma.

73 Nomba, tulesanga ukuti pano ukutila uyu Satana, panuma ya kutamfiwa ku mulu, aleibika umwine mu mubili mu ciswango, kabili nomba ena ciswango. munkanyakristu, kasesema wa bufi, kabili nomba iciswango kabili apelwe ishina Iya Mfwa, kabili ku Mbo kulemukonka-Satana pa cipuna cakwe. Owe, mwe! Pe sonde ... ena ni Satana ukwiminina pe sonde. palya ena nomba e mutwe wa mabufumu aye sonde, ama bufumu yene ayo apele kuli Shikulu Yesu muli Mateo 4. Satana nomba aisaba imfumu ituntulu.

Nomba, ici cikesa citika pa ntanshi. Ena ni kasesema wa bufi nomba. Ena akesaba iciswango panuma ya kashita ilyo akatoba icipangano cakwe kulya na ba Yuda. Namwishiba ifyo bena.... Cisuma.

74 Moneni nomba, ena akapelwa umutima wa ciswango pali ilya nshita kabili Satana akaibika mu mubili umwine, Pantu ilyo lukuta lwaya pa mulu, Satana akatamfiwa, mwamona. Cena cacitwa lyena. Fyonse ifya kupelesha imilandu fyakwe fyacitwa.

Nomba, ilyo lyonse.... Lolekesheni, ilyo lyonse Kapapatila acili pa cipuna ca bufumu, Satana kuti aiminina kulya no kupela umulandu, pantu ena ni ndubulwila wa kulubali lumbi. Ena wa kucimfyanya munankwe wakwa Kristu. Kabili Kristu ali.... Ena naiminina kulya.... uwakucimfyanya nankwe naiminina kulya ukusosa, "Lelo lolela, Adamu aliwa. Adamu alicite ci. Nali mucimfishe. Nalengele umukashi wakwe ukucetekela ubufi, kabili imwe mwasosele ena kuti aonaulwa

kuli cena. Ni ncikwata."

Lelo uyu apa Kapapatila naiminina palya (ameni), kalubula uwa lupwa (ameni), naiminina palya no mulopa uyo wingasenda umutima wa mubembu uwa bipisha no ku upilibula. Kapapatila ali pa cipuna ca bufumu. Ee, mukwai.

Satana atile, "Lelo bena bali no mulandu."

Ena kuti asosa, "Bena tabali."

75 Ulya Chrolox alipangilwe atemwa ukupangwa ukufumyapo itoni ... ukufumyapo ilangi ukufuma kuli inki atemwa itoni lili lyonse. Bena balicikwata. Cili no kulyonaula mpaka imwe tamwakatale ukulisanga nakabili. Lyena lilabwelelamo ku myela kabili ukuya fye konse kulya kunuma ku lubuuto ulwa cosmic kabili ukucila utuntu utwacepesha ne fintu ifyashala mpaka lilabwelelamo ku ntendekelo uko yafumine. Nga cena icalengwa, cakwete ... icalengwa caishilefumina ukufuma kuli Kalenga. Lelo imiti yonse iyo yapangilwe no kubikwa capamo, yena ilonaulwa kabili cilya fye ceka e cabako kuli cena. Takuli na cimbi kuli cena. Nangula amenshi yene efyo yaba yalampana na Chrolox, ico caba imito. Ameni! Ubukata kuli Lesa, conse nacinguluka.

Filya efyo Umulopa wa kwa Yesu Kristu ucita ku mwana wakwa Lesa uwa cine, ilyo ayebilela lulyo lubembu no kwiminina kulya uwalungamikwa kulya mu Yakwe ... uluse no busuma. Nangula cena caba icikalamba nganshi mpaka Lesa atile, "Ine tekuti ncibukishe nakabili, kabili ena mucine cine mwana wandi." "Mucine, Ndetila kuli imwe, nga mwasosa kuli ulu lupili sela, kabili ta muletwishika mumutima wenu lelo mwacetekela mufyo mwasosa, cikesa fikilishiwa, imwe kuti mwakwata mu fyo mwasosa kuti caba." Imwe muli umwana walubulwa. Amen! Ninjishiba cilya cishinka.

76 Nalimona utupale ukumoneka kulya pa nshita ishapusana pusana mutanda, ukutila Nalishibe te kalya kali no kwikala apa. nga filya.... Ena kuti alenga utupale umusango umo wine nge fyo Ena engalenga balunshi atemwa bacula atemwa icintu icili conse. Ena ni Lesa, Kalenga. Cisuma! Kabili ilyo.... Takuli icibumbwa icifwa.... Lelo ilyo lulyo lubembu ulwa ulyo mwinakufwa lwatumbulwa no kuponena muli ulya Chrolox uwa muti wakwa yesu Kristu, wene ulasangulula ulubembu lonse, ena

alaba uwasanguluka umupwilapo-ukwabula ulubembu, ukwabula icilubo.

Uyo ufyalwa kuli Lesa tabembuka, pantu teti abembuke. Ulyo muti uleminina pakati ka ena na Lesa. Musango nshi lwena lwingatala ukufika kulya, ilyo lwa lonaula no kulubwekesha kuli ulya uyo uwalupondamike. Ameni! Whew, Ndeumfwa bukapepa. Ine ndemweba, Ndeumfwa ukusansamushiwa nomba ilyo ici catendeka ukusokololwa.

77 Moneni, Satana umutuntulu pa cipuna cakwe, Ee, mukwai. Alicipele kuli Lesa, alicipele kuli Shikulwifwe. Uyu ali apa naikala apa no uyu mutima wa ciswango muli wene. Nomba, uyu apa muntu, iciswango, kasebanya mu mubili. Ena alekwata ukumonekela kwakwe pano pe sonde ukupitila mukumoneka kwa bufi. Owe, mwe ubusuma! Ukupitila mukumoneka kwa bufi ukwa Cebo ca cine, ena aleampanya umwine pamo ne Cebo.

Ena acitile fye icintu cimo cine ico umusango wakwe wacitile, ico cali ni Yuda, imyaka amakana yabili

iya pitapo. Ni cinshi co acitile? Yuda alishilemo ngo wacetekela, ukuba Kasebanya ukufuma pa kutendeka. Ena afyelwe umwana wa boni. Ena tafishilepo akantu pali Yesu, pantu Ena ali mwishibe ukufuma ku ntendekelo (ameni), pantu Ena ali Cebo.

78 Cisuma. Kabili ibukisheni, Yuda asendele icifulo cakusunga icipao kabili awile kundalama. E ico eflyo no lukuta lwelelo luli. Ulukuta lwa Katolika (nge fyo twamwene, mailo ubushiku) lwabalipilishe bena pali ba novena, lwabalipilishe pa mapepo, kabili lwabalipilishe pa cintu conse. Cena caishileba icintu cimo cine ku bana banakashi aba lukuta lwa Katolika, ico caba ba Protestanti. Icintu conse capombwa mu ndalama. Kulya eko Yuda awile, kabili apa epo ena awile, kabili kulya eko ba Protestani bawile.

Lolekesheni ... nanina pali kabalwe uwa butulukila ilyo alemonekela palya apo aninine, uku kunina ukwa kulekelesha. Ena ali pawakwe uwakulekelesha nomba. Nomba, cilya te mu bushiku bwesu. Cilya cikacitwa kulya ku ntanshi. Cena cikakatikilo ukulandilwa kabela, Pantu, mwamona, ulukuta ninshi naluya mu mulu ilyo ici cilecitika.

79 Ilyo Kristu alemonekela pano pe sonde.... Ilyo uyu muntu alemoneka kabili aleisa mukuba umupwilapo, umupwilapo, kasebanya-ukufuma kuli munkanyakristu ukufuma fye konse kulya ukupitila muli kasesema uwa bufi, elyo muciswango-kasebanya umwine.... Kabili ena nanina pali kabalwe uwa butulukila, uwabalala monse kabili no kusankanishiwa no kubalala ukwa misango yonse ukumulenga ukuba uwabutulukila kabili uwa mfwa.

Lelo ilyo Shikulwifwe alemoneka pano pe sonde, Ena akanina pali kabalwe uwa buta tutu, kabili Ena akabo mupwilapo, umutuntulu, Emanuele-Icebo cakwa Lesa ukwikala mu mubili mu muntu. Mwamona, kulya ekupusana fye ukwingi ukwabapo muli bena. Kulya e kupusana ukwa bena.

80 Moneni, munkanyakristu ali pali kabalwe uwa butulukila, ukubalala ukwasankanishiwa. Kabalwe caba icinama ico ciminako amaka. Amaka yakwe yonse yantu yasankanishiwa. Cinshi? Yena mapolitiki, yena maka aya munko, yena maka ya bukapepa, yena maka ya ngulu, Yena maka aya misango yonse ukusankanishiwa capamo-ukusankanishiwa kabalwe uwabutulukila eflyo ali. Ena alikwata amaka ya misango yonse.

Lelo ilyo Yesu akesa, cikaba pali kumo ukutuntulu-ukwa kabalwe uwabalala-Icebo. Ameni! Uyu umu alesankanya ukubalala kwakwe ukwa kashika, ukubuta, ukufita. Ukubalala kutatu muli cimo, ukwiminako muli cimo; kabili amaka yatatu mukwiminako muli cimo-kabalwe uwa buta, kabalwe uwa fita, kabalwe uwakashika.

Kabili ifilongwe fitatu muli cimo, mwamona. Mucine.

81 Nalicimona icilongwe ne mwine. Naliminine mupepi filya no kulolekesha pali cena. Tekuti bansuminishe ukupalama kuli cena pa mulandu we kalashi. E ico cilya cali palya, loko ikalamba pali cena, nacikala mu cibokoshi. icilongwe ica tufutu tutatu. E ico Nalishiba cena cishinka. E ico ulya ali palya, icilongwe ica tufutu tutatu. Inkonkani ya mulu, umutwala ne sonde. Maka yatatu ukwampana capamo, mwamona, fyonse ukusankanya mu mabala ukubutulukila. Imfwa yalilandilemo icintu conse. amapolitiki, bukapepa, kabili amaka aya ngulu ukusankanishiwa capamo. Amapolitiki-ena nimfumu ya mapolitiki, Satana aba. Uwacenjela. Whew! Mucine, Mwilaesha ukumucimfya wene; kusubila fye Shikulu.

Nge fyo nacita lyonse, uwacenjela onse, amasambililo, ne fintu nga filya ukwisa ukufuma kulubali ulwa lubana. Mukakonke cena ukupitila mu Malembo, mukasange nga cakutula nga cilya cintu calungama. Konkeni abana bakwa Kaini no kumona ifyo baishileba. Elyo konkeni abana bakwa Sete kabili moneni ifyo bali.

82 Te kutila ndesuminisha ubututu, Awe nakalya. Iyo, mukwai. Lelo mukasende umuntu uuli onse, onse, uwa muli Baibele, te lingi line.... Kwaliko umu uwe shina lyakwa Paulo ulya ali umuntu uwacenjela, kabili ena atile ena alingile ukulabako ifintu fyonse ifyo aishibe pakutula engeshiba Kristu. Atile, "Nshatalile ukwisa kuli imwe ne fyebo ifyakulembeleka ifya mano ya bantu, lelo Ndishile kuli imwe mu maka aya kubuka kwa kwa Kristu." Cilya cishinka-Amaka aya Mupashi wa Mushilo. Lolekesheni pali bambi. Bamo muli bena tabaishibe no kwishiba ukuboko ukwa kulyo no kwakuso.

Lolekesheni mulya ukupita mu nshita ishabakasesema kabili uko bena bafumine, kabili na fimbipo. Mwamona ifyo Ndepilibula? Cena kucenjela, ukwishibisha, na mano. Amano caba filya fine cintu cine ico cifumya imwe ukumutalusha kuli Lesa.

83 Ena alikwete amaka yatatu atemwa amalupaka yatatu: isonde, umulu, no mutwala. Ena aba umwine ifintu fitatu. Filya eflyo ena apangwa, kabili ena anina muli fitatu. Amaka yakwe yaba muli fitatu, icilongwe cakwe caba muli fitatu, kabalwe wakwe aba muli fitatu. Filya eflyo ena aba?-ifintu fitatu, amaka aya fitatu, icilongwe ica fitatu, kabalwe ukunina ukwa fitatu (cilya ca ma ofeshi)-icalenga cine nakabili, mwamona. Ica lenga cine nakabili.

Cisuma. Intamfu shitatu isha bukapyunga bwakwe ukumulenga wene umuntu umu-Satana mu mubili-

intamfu shitatu isha bukapyunga bwakwe: munkanyakristu, kasesema uwa bufi, ne ciswango-filya fitatu ukupashanya. Mwamona, nomba kwabako ifipasho fitatu. Nomba, Lesa alailenga Umwine ukwishibikwa nao, mu menshi, umulopa, umupashi-alalenga Umwinakristu umwana wakwa Lesa ku Cebo cakwa Lesa, mwamona. Kabili aya amaka yatatu yala mulenga wene ukuba kasebanya. Owe, ici apa caba menshi, umulopa, no mupashi, ico caba icakwa Lesa. Kabili cilya caba? amapolitiki, bukapepa, kabili amaka ya ngulu, ukusankanishiwa capamo cilamulenga wene ukuba kasebanya.

Ukwisa kwa kwa Kristu ukwa ntanshi, umwinakufwa. Ena aleisa imiku itatu. Kristu aba muli fitatu.

Moneni ifyo ena aleisa-ena uwalenga cine.

84 Moneni Kristu. Ukwisa ukwa ntanshi, Aishile umwina kufwa ukusuma umulopa no kufwa. Bushe co cishinka? Kulya e kwisa kwakwe ukwa ntanshi. Ukwisa ukwa cibili kukaba ukusendwa. Ifwe tulekumanya Wene mulwelele-abashifwa. Ukwisa kwakwe ukwa citatu Ena ni Lesa mu mubili. Ameni! Lesa Emanuele ukuteka pe sonde. Cilya cishinka-fitatu fye.

Iciputulwa ica cine cawaninine.... Moneni. Iciputulwa ica cine ca uyu uwaninine cileitwa Imfwa. Imfwa cipilibula ukupatulwa ukwa muyayaya ukufuma kuli Lesa. Filya eflyo imfwa cipilibula-ukupatulwa umuyayaya ukufuma kuli Lesa. Nomba, nga na tubika uyu muntu, mwe bumba, nga natulangisha na muli Baibele ifyo ulya muntu ali.... Kabili ifwe twalisendele no tumpili, icifulo, kabili ukuli konse filya fine fye fyonse ukuya fye pantanshi. Kabili nomba ena aleitwa kuli kapumpe, "Imfwa." Filya eflyo ena alemwita.

85 Ibukisheni, pano.... Mwamona, imfwa e kupatulwa ukwa muyayaya. Ibukisheni, abashila tabafwa. Balalafye, te kufwa. "Uyo umfwa ifyebho fyandi no kucetekela pali wene uyo wa ntumine nakwata umweo wa muyayaya. [Cilya cishinka. Tesa mubupingushi, nafuma mu mfwa aingila mu mweo.] Nine kubuka, no mweo," eflyo Yesu asosele. "Uyo wacetekela muli ine, nangula ali uwafwa, akaba no mweo: Kabili na onse uuli no mweo no kucetekela muli ine takatale ukufwa." Lasaro uwafwa? "Ena nalala." "Witina, umukashana tafwile, lelo nalala." Bena bali Musekele ku kusenteka. Ico cishinka? Owe, mwe! Mwamona, abashila tabafwa.

Ukupatulwa ukufuma kuli Lesa e mfwa, imfwa ya Muyayaya, kabili uyu muntu aleitwa Imfwa. E ico talukeni kuli wene!

86 Ena ni cinshi? Uwabunganishiwa imibombele ya kabungwe, uwakubalilapo. impendwa iya ntanshi ulukuta, ulwabunganishiwa. Kabili ilyo asendele ukwiluka ukwakwa Constatine ku Kabungwe ka Nicea.... Twaliletele balya banakashi, mailo ubushiku, no kulangisha ifyo kutila Efa, nabwinga uwakubalilapo, ilyo mulume wakwe talati apalame kuli ena, aliwile pakukana cetekela Icebo cakwa Lesa mu Edeni. Nabwinga uwa bumupashi-uyo wafyelwe pa Bushiku bwa Pentecost-bwakwa Kristu, ilyo Ena talafika kuli ena, ni cinshi icacitike? Ena aliwile ku Rome (moneni) alilufishe ubulumba bwakwe ubwa Cebo ku cishilano. Ameni!

Owe, mwe! Ine ndeumfwa ukusansamushiwa kuleisa nakabili ukutontonkanya pafyo cilya. Nshilepilibula ukuba uwafulungana. Nshilepilibula cilya, lelo Ine ndi fye.... Imwe tamwishiba ifyo cilya cicita kuli ine. Ine ninjikala muli ci pa nshiku shine nomba. Ine ningile fye ukusose cintu cimo icapala nga icilenenga ukumfwa ngo muntu nakabili. Namwishiba ico Ndepilibula. Cisuma.

Tendekeni ukulanda nga filya kabili iwe ulamona ifimonwa ukumonekela pa cifulo conse. Cilya cishinka. Nalimo ulya e mulandu wine Nsosele icintu cimo ukuilenga ne mwine ukubwelelamo nakabili-no kusunkanya nakabili, mwamona.

87 Bushe mwalitala ukumona ilyo Nkwete umulongo uwa kulingulula? Ndi no kusosa icintu cimo ico cili no kulenga abantu ukuseka; elyo Ndi no kusosa cintu cimo ukulenga abantu ukulila; elyo Ndino kusosa icintu cimo ukubalenga ukukalipa. Ninkwata icintu cimo ukumoneka, kabili Ndi no kusosa cintu cimo ukumona ifyo cilecitika. Lyena Ndi no kumona umusango wa lubuto ululi pali bena, ico cilecitika, lyena Ninjshiba apo cibebele, kabili Ninjshiba nga cakutula cena cileita atemwa iyo. Nga tacili ... ukwikala kulya.... uwacetekela umwine mwine, cili fye bwino. Iwe ulabeta lyena, ukusosa, "Iwe, Kampanda-na-kampanda...."

Kabili ilyo mwaisa panshi, Umupashi watendeka ukusuba, elyo ukutendeka ukumona kulyo kubyasha ukwisa ukuli konse, nga filya fine fye, ukushinguluka, ukushinguluka icipinda. E mulandu wine ndasosa icintu cimo, icapala kwati kubwelela kunuma nakabili, ukutendeka cipya cipya nakabili, mwamona. Ukufuma pa Mulungu uwafumako Njikala fye mulya mwine mucipinda, ukulapepa fye, epela fye, ukuba mukusubwa; kabili Ninjshiba ici cili icalungama. Nga imwe mulecetekela Lesa (Ninjshiba mulecita), imwe lolekesheni fye ku mpela ya mulungu.

88 Nomba imfwa cipilibula ukupatulwa ukufuma kuli Lesa umuyayaya. Imwe ibukisheni nomba, abashila tabafwa. Ibukisheni, nabwinga wakwe apelwe kabalwe uwa butulukila ... Ndepilibula, uyu waninine alipelwe kabalwe uwabutulukila ukwendelapo. uyu kabalwe uwabutulukila ukwendelapo. Kabili alininine uyu kabalwe uwa butulukila uwamfwa. Nomba, ifwe twalishiba ifyo cilya cali. Ifwe twalishiba eflyo lulyo lukuta lwali.



Kabili ibukisheni ... kabili mailo ubushiku, ena tali fye cilende, ena ali nyina wa ba cilende. Kabili tulesanga ukuti cilya ica mulengele ukuba cilende cali.... umwanakashi cilya caba cilye cipasho ca mwanakashi.... Lyena lishiwi ilya palwalala ukusosa mukati ke bumba ilyasankanishiwa, Lelo Baibele isosa cilya, mulemona. E ico kanshi tulemona ukutila cilya caba umwanakashi uyo ushikala uwa cishinka ku milapo yakwe ya cupo. Kabili mulemona, ena alingile ukuba (alesosa umwine), ukuita umwine namfumu uwa ku mulu. Cilya kuti caba nabwina wakwa Lesa. Lesa ni Kristu. Kabili tulesanga ukuti ena alecita ubulalelale. kabili alelenga isha mfumu sha pe sonde ukucita ubulalelale; kabili bonse abantu aba cuma, abantu abakalamba, isonde lyonse lyali mukonkele, mwamona?

kabili lyena tulesanga ukutila ena afyele abana banakashi bamo, kabili bena bali niba cilalelale.

89 Nga cilalelale ni cinshi lelo ni cilende? Icintu cimo cine. Uwabulalelale, ubulalelale, ububifi, ama bucende, ukucita.... Ni cinshi ico bacitile? Babungenye, balikwata imibombele, basambilishe imibombele ya pangwa no muntu, Pentecosti kabili ibumba lyonse.

Nomba, mwileka kampingu wenu engile mwi tumba lyenu, Pentecosti. Leken i mwebe icintu cimo. Leken i tulolekeshe icintu ukutonta fye mu cinso. Ifwe twalichelwa ukuya mukati kabulendo nomba ukuya mukulanshinshikila.

Lolekesheni apa. Ifwe tuleikala mu nshita ya lukuta ya Laodikea, kabili ilya yali ni nshita ya lukuta iyabipisha nganshi pali yonse ayashala. Iya cifulefule ... kabili imo fye iyo Kristu aikele kunse ukwesha ukubwelelamo. Kabili ilya ni mbila ya Pentecostal ileya. Ukusosa, "Ndi uwafyuma." Mune, wali umubusu intanshi. Nomba iwe mucine cine naunonka, mwamona. "...nshilekabila kantu," kabili, owe, ifyo mwali.

Atile, "uli ubwamba, uwankumba bulili, impofu, umubusu, umulanda, kabili tawacishiba no kucishiba."

Nomba, ngo muntu ali ubwamba kunse mulya mu musebo kabili alicishibe, cinshi, ena kuti aasha ukuyafwilisha umwine. Lelo ilyo ena teshibe cena, kabili imwe te kuti mumwebe ubupusano nangu bumo, lyena ena ali mu musango uwabipa. Lesa akwate uluse pali wene. Cilya cishinka.

90 Moneni. Owe, mwe! Nomba, ibukisheni, uyu munkanyakristu (umwine, ukuba umuntu), nabwina wakwe (ulo lwaba lukuta lwakwe), apelwe inshita ya kulapila. Kabili ena tacitile muli ilya nshita ya lukuta, Tuatira. Mulecibukisha cena?

Cisuma, lekeni tubwekele fye pali miniti. Cena tacatucene ukubwelelamo fye pali miniti. Leken i tubwelelamo, mu cipandwa ca 2 pali miniti fye. Twalacibelenga fye-icipandwa ca 2 ica.... Nomba, Tuatira. Nomba moneni ici bwangu bwangu fye nomba. Mwe, ifwe tuli fye mupepi nokwisala, kabili tatulatendeka.

91 Moneni, Tuatira. Nomba, yena iletendeka pa vesi ya 18 iya cipandwa ca 2.

... na kuli malaika [ulya ni nkombe] uwa lukuta lwa mu Tuatira lemba auti; Efyo asosa Umwana wakwa Lesa, uuli na menso yakwe ngo lubingu ... na makasa yakwe ayapalana no butale;

Nalishibe milimo yobe, no kutemwa kobe, no kupyunga kobe, ne citetekelo cobe, no kushipikisha kobe, kabili imilimo yobe; kabili iya kupelelekesha yafulo kucila iya kutendeka.

Lelo ndi ne ci cakukushinina, pamulandu waleka fye uyo mwanakashi Yesebele,

92 [umukashi wakwa kasesema uwabufi, uyo ulingile ukuba kasesema uwa cine cine uwakwa Lesa, papa.] Cishinka, kasesema umwine mwine no mukashi wakwe Yesabele. Nomba, Ahab alingile ukuba umu Yuda umwine mwine, lelo ena ali iciwelwele (mwalishiba cilya) pantu umukashi wakwe amutungulwile fye umusango uuli onse alefwailamo. Tulesanga ukuti Yesabele alesenda indalama shakwe no kutungulula aba umusango balefwailamo, nabo.

... uuilumbula umwine ukuba kasesema [mulecumfwa?], usambilisha no kubeleleka abasha bandi [mwamona, kulyo kusambilisha kwa kwa Yesabele na kuya fye mu calo monse.] ukucito bulalelale, no kulye fintu fyaipaiwa ifya malambo.

Kabili na mupele nshita ya kuti alapile kubulalale bwakwe; kabili ena talapile. [Moneni iyi vesi ilekonkapo.]

... ndemuposa pa busanshi, [kulya ni kumbo] kabili nabalya abacitile pamo nankwe ubucende bali mubucushi bukalamba [cilya kuya mu bucushi bukalamba-te Lukuta, nomba.], nga tabalapile ku milimo yabo.

[Nomba, moneni pano.] ... Nkabalofya nabana bakwe [bacilende bakwe] ku mfwa; ...

Imfwa ya bu mupashi-mulecetekela cena? Cilya e Cebo. "Nkabalofya bena kumfwa." Kabili bena ngabaipaiwa, bena ni nshi bapatulwa umuyayaya.

93 Cisuma, ibukisheni, ena ali mupele inshita ya kulapila. Inshita ya Tuatira yali ni Nshita ya Mfifi.

Uwaninine pali kabalwe uwa fita ali ninine muli ilya nshita, ilyo iminsa yonse kabili ne fintu fyonse fyalelipilwa, kabili na mapepo kabili ba novena, kabili na fimbipo. Nomba, moneni, kabalwe wakwe uwa fita lyena? panuma ilyo akene ukulapila mu Tuatira (moneni!), apilibula imininine yakwe ukufuma kuli kabalwe uwa fita ukuya kuwa butulukila, Imfwa, kuli bukapyunga bwakwe ubwakulekelesha.

94 Nomba, Ine limbi kuti napela fye umu muntu kutenshiwa fye panono pano. Ukukana Lesa, ukukana ubwite bwakwa Lesa.... Iwe kuti wacicita inshita iya kulekelesha inshita imo. Kabili nga filya lulyo lukuta lwacitile, cena capwa. Ukushipikisha kwa kwa lesa takucushanya lyonse no muntu. mwamona. Kabili ilyo lwena lwakene cena kabili no kukana ukupokelela cena, lyena lwalipilibwike, kabili nomba lwena lwalikwata ishina ilitwa Imfwa-ukupatulwa.

Lesa atile, "Nkalofya na bana bakwe [ba Protestanti], kabili cila umu muli bena Nkabepaya no kupatulwa ukwa muyayaya." Mwacimone co. Inshita ya Tuatira-inshita ya Mfifi. Kabalwe uwafita nomba apilibukila ku mfwa kuli bukapyunga bwakwe ubwa kulekelesha.

Moneni ifyo inshita sha nkuta shaampama capamo ne fikakatikilo? Ukupwililika fye. Lyena twalishiba cena

cishinka. Umupashi wa Mushilo taupanga icilubo. Ena alitupele icishininkisho icikalamba inshita ya kulekelesha, ilyo twaishile pwisha inshita sha nkuta kunuma kulya, na mwishiba.

Mulemona ukutemwa, ukutekanya kwa kwa Lesa? Ilyo Ena aletele ubupingushi pali wene, Ena amupele icifulo kukulapila! Kabili ni mwi shina lyakwa Shikulu Ndesosa ici: Ena alipela ulukuta lwa Protestanti icintu cimo cine, kabili lwena tekuti lucicite! Ishi imbila shalisunkene ukuli konse, kabili lwena tekuti lucicite! Lwena luli no kukwata ifishilano fya luko ne fisumino, Nshilesakamana umusango mwingalondolwelamo cena.

95 Nge fyo Nasosele kulya mu Chicago, ubushiku bumbi kwali bakapyunga abengi ukucila abantu abengi abekele muno.... Kabili kulya bena balintitikishe palwe sambilisho lya bufyashi bwa nsoka, kabili na fyonse ifi fimbipo. Kabili Natile, "Umo muntu asende Baibele yakwe no kwisa kuno no kwiminina ku lubali lwandi, lyena." Tapali nangu umu uwasosele icintu cimo.

Tommy Hicks atile, "Ine nshatala ukumfwa cilya nga filya inshita imo, Munyina Branham. Ndefwaya imyanda itatu iya yalya ama tepu. Ndefwaya ukuyatuma yonse kuli bakapyunga."

Kwaliko nalimo amakumi yasano atemwa amakumi cinelubali na fisano atile, "Ndi no kwisa kulya ku kubatishiwa cipya cipya." Bushe balishile? Tapali nangu umu uwamuli bena. Cinshi? Ena alibapele inshita ya kulapila! Ena akaposa abana babo mu mfwa, imfwa ya bumupashi. Ifwe tukesasenda cilya mailo ubushiku, Shikulu ngasuminisha, atemwa pa Cibelushi ubushiku pali filye finkunka ifyo filepita. Mukalolekeshe ico cili no kucitika kulya.

96 Nga filya Apele Egypti. Ena apele Egypti icifulo cakulapila. Cinshi cilya icinkunka ica kulekelesha? Cali ni mfwa. Cilya e cinkunka ica kulekelesha ico capuma ulukuta lwa Pentecostal. Ni mfwa iya bumupashi. Lwena lwali fwa! Cilya ni mwi shina lya kwa Shikulu. Lwena ni mfwa mu mupashi. Ali lupele icifulo cakulapila, kabili lwena lwali kene cena. Nomba lwena lwalifwa. Lwena talwakatale ukwima nakabili!

Kabili balya bantu kunse kulya ukweshwa ukuletamo ba Episcopalian, na ba shimapepo, kabili na fimbipo, kabili no kubeta "Tata uwa Mushilo Kampana-na-kampana." Cinshi, bena balingile ukumfwa insoni abene beka. Ifyo muntu engaba uwapofula? Bushe Yesu tasosa ilyo ulya nacisungu uuli mutulo akesa mukushita amafuta, ena tayapokele yena?

97 Cila muntu.... mulomfwa abantu ukusosa, "Nalikwata Mupashi wa Mushilo. Nalilandile mundimi." Lelo tabafwaya ukwisa ku lukuta nge fi. "Owe, namwishiba, Nshacetekela Ndefwaya ukuya ku cifulo nga cilya." Elyo ukusoso mwalikwata Mupashi wa Mushilo? Lelo mufwaya inshila shenu ishacindamikwa. Imwe mufwaya ukwikala mu Babylon kabili nalyo line ukuipakisha amapalo ya ku Mulu.

Imwe mulingile mwakwata ukusala kwenu. Imwe tekuti mwikale uko mwi sonde no kubombela

Lesa pa muku umu wine. Yesu atile imwe tekuti mubombele Lesa na mamon. E ico nga imwe mulefwaya musubile.... Nga imwe mucine cine mwalipusushiwa, mukalaipakisha ukulongana uko Mupashi wa Mushilo aleishininkisha umwine nokulangisha ukutila Icebo cakwa Lesa eflyo cili.

98 Umo muntu atile, "Abantu balapanga icongo nganshi. Cilanenga ukumfwa ububi." Imwe mukomfwa ububi nga mwafika ku mulu. mulatontontanya fye ilyo bonse bali kulya! Lyena nga palwa cena?

Owe, mwe, ifyo Shikulu afwaya ukusenda ... aliba uwatekanya nge fyo Ena ali mu nshiku shakwa

Noah. Alyeseshe na maka. Alilolele nshita itali pa myaka umwanda namakumi yabili ukubalenga bena ukulapila, kabili bena tabacitile.

Mu nshiku sha Egypti, Ena alitumine ifinkunka ne fintu fimbi ifyashala. Bena tabacitile. Alitumine Yohane; bena tababwelele. Alitumine Yesu ku kufwa kukupususha ibumba lyonse ilyo lingomfwa Icebo.

99 Kabili nomba mu nshiku sha kulekelesha, Ena alilaya nakabili ukuti Ena akatuma imbila uku lwita ukufuma no kubwekesha icitetekelo ica ntendekelo ukubwekela kuli cena, ukubwekela ku Cebo. Kabili bena tekuti bapokelele cena. Bena baba mu fishilano nganshi mu fishilano fyabo ne fisumino mpaka tabafwaya cena.... Owe, bena batontokanya nga balikwete i ... nga malaika alikile.... Lelo Lesa tacita cilya. Ena alasenda icintu cimo icitutu kabili icatumpa, icintu cimo ico cishaishiba ba ABC's wabo atemwa icintu icili conse. Elyo kabili Ena alasenda umuntu uwa musango filya, pantu Ena kuti asenda icintu cimo ico cishili nangu cimo elyo kabili ukubomba ukupitila muli cena. Ilyo lyonse ilyo icintu cimo citontokanya ukutula baba cintu cimo, lyena tapali ico benga cita na cena. Ena lyonse alicita cilya. Imwe mulingile ukuba icintu ca fye pa kwisaba umuntu umo na Lesa.

100 Owe, mwe!

Moneni. Nomba, Ena ali mupele inshita ya kulapila, lelo ena tacitile. Ena nacicita nakabili, lwena tekuti lucite. Ukukana kwaluko kulalenga lwena.... ukukana kwa Luko kulalenga inshila iyapwililika kuli Satana ukwisa muli lwena no kuba mu mubili (cishinka) Ukuibika mu mubili umwine mulya mwine muli lwena pantu lwena lwalikana Icebo. Kabili ni filya fine icintu cimo cine ico lukuta lwa Protestanti lwaisaba cilende ... ni pa mulandu lwalikana icine icashininkishiwa ica Cebo cakwa Lesa, kabili cilya cilepela Kasebanya incende ukwisamo mukati no kuibika umwine mu mubili. Kabili ena akapanga icipasho ku ciswango ilyo bakampama capamo, kulya kwine nomba, kabili ukuya fye-filya fine efyo ena asosele. Cilya cishinka. Ameni.

Nga nalikwete amasambililo, Ine kuti naleta Cena. Ine nshakwata amasambililo. Ndesubila fye Mupashi wa Mushilo ukusokolola cena kuli imwe. Ena ali no kucita kuli abo abali.... Cilya cishinka. Ena ali no kucita.

101 Moneni. Lolekesheni umusango ... ifyo lwena lwacitile pano. Lwena lwalikene imbila yakwa Lesa kuli lwena ukulapila. Lwena lwalitendeke munkanyakristu, kabili filya efyo lwena lwali. Lwaishileba kasesema wa bufi, Kasebanya mu mubili, kabili ilyo lwena lwacitile, na masambilisho yakwe aya bufi.... Lyena muli fyonse filya, Lesa apele lwena inshita ya kulapila, ukwasha ukusenda lwena. Mwamona ifyo ukutekanya inshita itali? Ifyo kwaba ukutemwa ukwawamisha. Takwaba ukutemwa nga kulya. Lolekesheni kuli balya nangula yalya amate mu cinso cakwe ne fintu-Ena alibabelele uluse. Ulya ni Lesa, mwamona. Mwiesha ukukana imbila yakwa Lesa.

Lolekesheni, lwena lwaliipushiwe ukulapila-ukubwelelamo uko lwawile. Kabili ni kwisa uko lwawile? Icebo. Ni kwisa uko Efa awileko? Ni kwisa uko icilonganino cawile? Mwacimone co. Takuli inshila imbi-Caba fye inshita yonse cilabwekela fye ku Cebo, kubwekela fye ku Cebo, mwamona. Kabili bena balaya mu mibombele iyo ibabwesha ukubatalusha ukufuma ku Cebo, ukubatalusha ukufuma ku Cebo mucifulo ca kuya ku Cebo.

Moneni. Lolekesheni, lwena lwalipelwe inshita ya kulapila, ukubwelelamo. Ukulapila cipilibula uku ukubwelelamo, ukubwelela kunuma, ukupilibula icinso-Ukulapila, ukubwelelamo. Kabili lwena lwapelwe inshita ya kubwelelamo uko cilya....

102 Nomba ibukisheni, lwena lwali ulwa ntendekelo ulukuta lwa pentecostal ulo Mupashi wa Mushilo wa pongolwelepo pa bushiku bwa Pentecosti. Ni banga bakasambilila wa Baibele abaishiba cilya? Mucine, lwena lwali. Mwamona uko lwafumine? Lwena lwawile ukufuma ku Cebo no kusumina ifishilano. Mucifulo ca Mupashi wa Mushilo lwena lwalefwaya umuntu uwa mushilo: Doctor, LL., Ph., QU.Lyena baishile mupanga papa, Mwamona. Mucine, Lelo filya efyo lwena lwalefwaya-umo muntu ukumupepelako, umo muntu lwena lwalelipila fye indalama shakwe, kabili filya fyeka efyo lwalefwaya ukucita, mwamona.

Nomba, cena cintu cimo cine ilelo. Cikulu fye nabakwata umulongo uutali uwakwikalamo, ukulipila ishingira pa mbale iya musangulo, cilya cisuma nganshi. Bena ni ba membala wa lulyo lukuta. Mwikesha ukubeba icintu cimbi palwa cena. bena tabafwaya ukwishiba. Balya bana bakwe abanakashi.

Nomba, ni kwisa uko lwena lwawileko? Ukufuma ku Cebo ica ntendekelo ica batumwa ba butumwa na bakasesema. Kulya eko lwawile. Kulya eko ba Protestanti bawile.

Lapileni. Bwelelenimo. Bweleleni ilyo nshita tailapwa,nga lyena tailati ipwe. Umo pali ishi nshiku ulyo Mwana wa mpaanga akasha icifulo cakwe, kabili lyena ninshi cena capwa. Efyo na bana bakwe abanakashi baliipushiwa nomba, ilyo talulapingulwa pamo nalwena, uku bwelelamo.

103 Nomba, imbila ya kulekelesha balepokelele ni lilya ulya kasesema uo Ndelandapo. ico nabelenga ama buku ayengi palwa cena.... Kabili Nalishiba ukuti balya batuntulu, abasuma, abamano, abantu abatontokanishisha muli bumupashi balishiba ukuti cilya cileisa-balishiba cena cileisa. Lelo ubwafya bwa cena ni ubu, bena balatwalilila ukusosa, "Tulefwaya cena. Cena cili no kuba." Kabili ilyo cena cikesa, cena cikaba icapetama nganshi bena nalimo bakalufya cena nga filya bacitile inshita shimbi. Abantu bakalemba

palwa cena kabili ifintu fyonse, ukusosa, "Owe, ee. Cena cilingile ukuba." Lyena lekeni cena cilangishiwe ku ntanshi fye yabo, kabili bena batwalililfye ukuya pantanshi, mwamona. Bena lyonse balicita cilya.

104 Moneni nomba. Icebo icantendekelelo, lwena lulingile ukulapila ukubwelelamo kulya. E ico abana banakashi bakwe na bepushiwa ... ukupatikishiwa.... Bena bakapingulwa no kuposwa mu busanshi bumo bwine no kwipaiwa pamo na lwena. Bena nabepushiwa ukubwelelamo ku Cebo cantendekelo, ukubwelelamo kwi sambilisho lya butumwa. Lelo bena balikakwa nganshi ne fisumino fyabo ne fintu, bena tabakacite. Bena basenteka fye cena.

Lyena ni cinshi ico bacita? Bena mukulekelesha bapanga icimpashanya kuciswango, amaka yambi (moneni), no kucita kuli nabwina wa Mwana wa mpanga nga filya lwacitile mu Kusokolola 13 na 14. Filya eflyo bacita-ukucusha fye, icintu cimo cine fye. Inkuta shicita fye ngo kusenteka ukwa kwa nabwina uwa kwa Kristu uwa cine nge fyo Rome atalile ukucita, filya fine fye. Kabili alacita ku mwine mwine nabwina wa Mwana wa mpaanga nga filya fine fye lwacitile mu Kusokolola 13 na 14.

Nomba moneni. Tulemona ku Cebo ca kwa Lesa ica bulayo, Ena akabalofya abana bakwe, ifilonganino, abana bakwe abanakashi, ne mfwya ya bumupashi. Nomba, cilya caba Ukusokolola 2:22. Mwilabako cena. Ukulofya caba ukwipaya, kabili imfwya caba ukupatulwa ukwa muyayaya ukufuma ku cinso cakwa Lesa. Tontonkanyeni pali cilya, mwe banandi. Tontonkanyeni pali cilya! Mwikesha ukusubila mu fisumino fili fyonse ifyapangwa no muntu. Icintu icili conse icapusana ne Cebo, imwe talukeniko ukufuma kuli cena.

105 Nomba, moneni. moneni muli Baibele umu. Cena cisosa ishina lyakwe lyali ni Mbo ... Ndepilibula ishina lyakwe lyali Imfwya, kabili kumbo kwale mukonka. Nomba, ku mbo lyonse kukonke mfwya mucifyalilwa. Ilyo muntu afwa uwa cifyalilwa, ku mbo kula mukonka. ilya ni nshishi, imanda, mwamona. cilya mucifyalilwa. Lelo muli bumupashi, cena ni bamba wa mulilo, mwamona. Cisuma. Kupatulwa ukwa muyayaya, uko bena bocewa. Kabili Malaki 4 itila takwakabashile umushila atemwa umusambo atemwa icintu icili conse. Cena musango isonde lyakwata ukuisangulwilamo iline nakabili pa mulandu wa Millennium, Mwamona.

106 Bushe na mumona, uwaninine aba "ena"? Kabili "ena" akwete mu minwe yakwe.... Umwaume, kasesema uwa bufi. Lelo nabwina wakwe aleitwa ulukuta, "wene," Yesabele. Ahab, Yesabele. Cinshi, cena caba fye icapwililika nge cintu icili conse, mwamona. Abana banakashi bali "wene," nao, lelo tabalapokelela ubutungulushi bwa muntu umo. Protestanti kuli cilya, lelo nalyo line cilende mwi funde kwisambilisho lyabo, icilonganino, imibombele. Filya eflyo cena cisosa.

107 Moneni. Ni cinshi uko ici conse cileisako? (Nomba, tukwete fye nalimo ikumi limo na yabili atemwa ikumi limo na fisano ama miniti pano, Ndemona.) Lolekesheni uko ici conse cilefumina. Cena ni cinshi? Cena cilebwelelamo fye umusango cacitilemo. Cena catendeke mu mulu. Cena cileisa ku bulwi ubwa nshita ya kulekelesha. Icintu ca ntanshi mu mulu kwali ubulwi. Lusifa alitamfiwe kabili aishile pe sonde. Elyo akoweshe Edeni. Elyo ena alekowsesha ukutula lilya.

Kabili nomba, ukufuma ku bulwi mu mulu, cileisa ku bulwi pe sonde, kabili buli no kupwishiwa pe sonde pa nshita ya mpela mu bulwi ubwitwa Amagedon. Uuli onse alishiba cilya. Ubulwi bwatendeke mu mulu. Uwa mushilo, e ico bali batamfishe. Mikaele na ba malaika bakwe bali bacimfishe kabili ... bali mubutwishe. Kabili ilyo bacitile, aishile ponena fye mu Edeni, kabili umu ubulwi bwalitendeke mulya.

108 Lesa ali kwete abana bakwe bonse ukucingililwa ne Cebo cakwe. Kabili Efa alimishe umukoshi wakwe, atile, "Ndecetekela uli fye bwino," kabili kulya cena calile. Kabili cena caba ukutula lilya. Lyena Lesa aishileika, kabili nomba Ena nakwata uku.... Ena aishileika ku kulubula abo abali no kwisa ika. Nomba, nge fyo Nacisosa, Lesa aba nga kakula umukalamba. Ena alabika ifyakubomfya fyakwe fyonse pe sonde, elyo kabili Ena alakula ifikulwa fyakwe.

Nomba ibukisheni, ilyo takulaba uluseke ulwa mbuto pe sonde, ilyo takulaba akasuba ako kabalikile pe sonde, umubili wenu walikele pe sonde-pantu muli lukungu lwa mu mushili, mwamona. Eflyo mwaba. Lesa ni kakula.

109 Nomba, umusango Ena ali no kucitilamo ali no kwika no kusenda-nga filya Acitile Adamu-umwina unono uwa cassium, potash, no lubuuto lwa cosmic, kabili, "Whew," no kusosa, "ulya palya mwana wandi naumbi," mwamona. Lyena kuti aleta bamo na bambi: "Whew," kabili kuliko na umbi.

Lelo ni cinshi ico Efa acitile? Alionawile ilya nshila, kabili ailetele ukupitila mu mulimo uwa kukumana. Lyena imfwya yali pumine cena!

Nomba ni cinshi ico Lesa alecita? Ena alikwata ishingwi sha shilye mbuto kulya lubali abo abalingilwe kabelabangi abalingilwe kabelabangi. Elyo kabili pa mpela Ena takasose, "Efa, isa ufyale umwana naumbi." Ena akacita, "Whew," ukwita, kabili Nkasuka. Lilya e lyano. Ilyo ulya uwa kulekesha akaletwamo, cilya ca cipwishisha.

110 Nomba, ubulwi bwatendeke mu mulu. Bwena bukapwishiwa pe sonde mu musango wa Amagedon.

Nomba, lekeni tulolekeshe no kumona cena ukufungululwa. Nalimo ifwe kuti twafungulula cena. Shikulu atwafwilishe ino ine nshita ukucicita ici nomba. Lolekesheni cena ukufungululwa.

Uwaninine uwakupapusha (lolekesheni ifyo alecita nomba) ukukanya, alikene ukulapila kabili ukubwekelamo ku Cebo ca mulopa ica ntendekelo. Icebo caishileba umulopa no mubili. Alikene ukubwelela kuli cena. Ena ni munkanyakristu. Nabwanga uwa cine uwa Cebo.... Ena alasusha nabwanga uwa Cebo ica cine. Ena alesenda nabwanga wakwe umwine (ena alekanya uyu nabwanga uwa cine), kabili ena alesenda nabwanga wakwe umwine no kuleta wene kuli wena mu musango wa bukapepa uwitwa icisumino ne fishilano, mwamona.

Kabili nomba, ukumona nabwanga wa mushilo, ena alesusha wena. Lelo ena alepanga nabwanga wakwe umwine-uwitwa munkanyakristu-ku kusambilisha kwa munkanyakristu, ico caba icapusana kuli Kristu. Mwamona ifyo aba uwacenjela? Kabili nomba, mu cifulo ca kukwata ukwampana kwa kutemwa ukutungulula ukupepa ukupitila mu mulopa, ena nakwata icilonganino. Mu cifulo cakukwata Icebo, ena asendele ifisumino, ifishilano, kabili na fimbipo.

111 Nga filya kabili ba Protestanti batila Icisumino ca Batumwa. Ndefwaya imwe ukusanga ishiwi ilya cena muli Baibele. Ubutumwa tamwaba Icisumino ca Batumwa nangu cimo muli Baibele. Nge fyo Nacisosa pano te kale sana, pa cifulo cimo, nga batumwa balikwete icisumino, cena Milimo ya Batumwa 2:38. Filya fine fye efyonse ifyo Naishiba ena akwete. Filya efyo baleeba umuntu onse ukucita. Ilyo asangile umu uwa bena abo aba moneke kwati Benakristu, atile, "Bushe mwalipokelela Mupashi wa Mushilo ukutula ilyo mwacetekele?"

Batile, "Tatwaishiba nga kwalibako...."

Atile, "Lyena musango nshi mwabatishiwe?"

Nomba, pa kubatishiwa mwi shina lyakwa Yesu, mwi shina lyakwa Shikulwifwe Yesu Kristu ukutula, cilya cili fye bwino, lelo cilya te conse ica cena nakalya. Iyo, mukwai! Imwe kuti mwabatishiwa imiku amakumi yasano nga filya, kabili cena teti cimucite ubusuma nangu bumo mpaka ulyo mutima wapilibulwa ku Mupashi wa Mushilo. Cena cilingile ukwendela capamo.

112 Moneni, nga Kristu.... Munkanyakristu alakana isambilisho ilya cine ilyakwa nabwanga, kabili e ico kanshi ena alesenda nabwanga wakwe umwine nomba no kumukula ukupitila mu cisumino cakwe umwine-ukusenda nabwanga wakwe umwine nokupanga ena icilonganino. Ena alefyala ifilonganino fimbi, nge fyo ca cibelongwa muli aya Amalemba ya Mushilo-alefyala abana banakashi. Kabili ena tacite ... ena esa mukuba filya fine fye nyina aba: mucifyalilwa, uwe sonde, uwa cilonganino, ukukanya nabwanga uwa bumupashi, Icebo.

Bena tabakasose ukutula tababa ku lukuta. Mukalande ku muntu wa cilonganino. "Mucine, Ndi wa kucilonganino."

"Bushe uuli Mwinakristu?"

"Ndi wa ku lukuta."

113 Cilya tacakwatapo nangu cimo ica kucita na cena. Iwe tawaba ku.... Iwe limbi kuti waba kuli ico citwa ulukuta, mwamona. Ukuba ku lukuta-cilya te lukuta. Filya te nkuta; Filya mwa kusendama abantu uko abantu besa capamo kabili nga filya ifyuni ifya masako yamo. Lelo imwe mwaba fye ulukuta lumo, kabili lulya e mubili uwa kupapusha uwakwa Kristu. Imwe tamuilunda kuli cilya; imwe mulafyalwa muli wene. Nge fyo lyonse Nsosa, "Ine naba mulupwa ulwa bena Branham imyaka amakumi yasano na itatu kabili nshatala ukuilunda kuli lwena. Nalifyelwe muli lwena."

114 Nomba moneni, cena calipashaniwa bwino nganshi (Ine ninkwata amalemba ayalembelwe pano, lelo Ine ... ifwe tatukwete nshita ukwisa kuli yena.) nge fyo Esau na Yakobo. Nomba, Esau ali muntu uwa bukapepa. Ena tailumbwile ukuba ushacetekela. Ena alicetekele muli Lesa umu wine Yakobo acetekelomo, Lesa umu wine bawishi bacetekele. Lelo ena ali fye uwa nsoni ( mu njeleleko pa nsoselo), fye.... Ena tali fye bwino. Ena ali....

Nomba, ngo kuba uwa mibele isuma ... ena ali mucine umuntu uwa mibele iyawamisha ukucila filya Yakobo ali. Lelo mulemona, ena tatontonkenye.... "Owe, ni cinshi ico bulyo bubeli buli no kucita kuli cena?" kabili ena alishitisho ububeli bwakwe kuli Yakobo, mwamona.

Lelo Yakobo, ena takwete ifintu ifikalamba nga filya Esau acitile. Ena takwete ubupyani ena acitile. Lelo kwali cintu cimo ico Yakobo alefwaya, cali ni bulya bubeli, kabili ena tasakamene umusango abupokelemo. Ena ali no kubukwata. Kabili Lesa alikwete umucinshi kuli wene.

Kabili lyena, cilya cintu cimo cine ne lelo no muntu wacifyalilwa-amano ya buntunse, imitontonkanishishe ye sonde. "Cisuma, Naba ku lukuta lwa buteko." "Naba kuli ulu ulukuta." " Naba kuli cilya." Cilya tacakwatapo icintu nangu cimo ica kucita na cena, tapali nangu cintu.

115 Moneni.

... alebalonganya nomba pali kabalwe wakwe uwasankanishiwa amabala. Ena alebalonganya capamo pali kabalwe wakwe uwasankanishiwa amabala pantu ena nakwata amaka ya ma politiki. Nga imwe ta mulecetekela alikwata, musango nshi uyu Kateka aingilemo fye nomba? Musango nshi cilya catalile ukwingilamo? Isa kuno lubali ku buntungwa bwa bukapepa! kabili imwe mwe bumba lyaba democrat abo abengashitisha ububeli bwenu kulya ku mapolitiki! Ine nshakwata ... ama democrat ... amapate ya.... Bena bonse balibola. Ndelanda pa lwa Bwinakristu. Lelo imwe muleshitisha ama bubeli yenu ne tiketi lya democrat ukubika icintu cimo nga cilya mukati. Casoni kuli imwe!

116 Bushe ta mulemona ukutila ino nko filya fine yaba mucipasho cakwa Israele? Cinshi ico Israele acitile? Ena aishile ku mpanga iyeni, no kusenda abekala calo ukubafumyamo no kubepaya, no kuyamo no kusenda impanga. Filya eflyo twacitile. ba Nsamya-ulya e mwina America fye uwa cine uwabako, banensu ba Nsamya. Lyena ni cinshi ico bacitile? Israele alikwete abaume abanono abakalamba. Icintu cakubalilapo namwishiba.... Bena bakwete Dabidi, balikwete Solomoni. balikwete abaume abakalamba. Kabili mukulekelesha baishilekwata iciwelwele kulya lubali, Ahab, uyo waupile Yesabele, ushacetekela.

Cisuma, cilya e cintu cimo cine ico twacitile. Twalikwete Washington na Linlcon. Lelo lolekesheni ico twakwata nomba. Kabili icintu cine ica cena caba, ena alyupa no kubikwa panshi no kubikwa mwi langi ilya butonge bwakwa Yesabele. Ena limbi ali uwapala umuntu musuma uwawama, lelo wene aletungulula amakwebo. Kabili mulemona cena ino ine nshita-ulupwa lonse luleisamo.

117 Cinshi ico Mupashi wa Mushilo anjebele nalimo imyaka amakumi yatatu na fisano iyapitapo-kabili imwe bonse mwe ba nshita ya kale mwalicishiba-pa fintu cinelubali ifyo fyali no kucitika ilyo impela tailafika? Ici cakulekelesha cilekonkapo ku cintu cakulekelesha icileisa. Ifintu fimbi ifyashala fyafikile fye filya fine pa cifulo, ku nkondo ne fintu fimbi ifyashala, mwamona. Nomba, wene ali mu minwe yamwanakashi ku kuteka inko-Yesabele. Lelo ibukisheni, mu nshiku shakwa Yesabele, umo muntu mucine alibalangishe ukubalala kwabo.

118 ... ukulongana pali kabalwe wabo uwabalala, mwamona. ena alelonganya icintu cakwe capamo-ukusankanishiwa ne fisumino, icilonganino, amasambilisho ayapangwa no muntu. Bushe co cishinka? Mucine, ukubalala ukwasankanishiwa-ukubalala ukwasankanishiwa ku wafwa, kabalwe uwabutulukila uwe sonde. Nomba, cilya cishinka-ukubalala ukwasankanishiwa kwa cintu ica fwa, mu musango wamimonekele ye sonde wa kabalwe uwa butulukila. Owe, mwe! Takuli umulopa uwa mushilo uwa Cebo nakalya.

Kabili moneni, ukufuma ku fifutu fine ifye sonde, bena balebalonganya. Balebalonganya kuli Amagedon, Baibele eflyo yasosa. (Ndeesha ukutontokanya pa malembo. Ifwe natuyalemba pano. Ine nshileyalumbula lelo palya ... epo yalembwa-ukumona ifyo yaba.) Ukubalonganya capamo ku bushiku ubukalamba ubwa bulwi ubwakwa Shikulu Lesa. Moneni!

119 Nomba, pali uyu uwasankanishiwa uwabalala, uwesonde, uwabutulukila, kabalwe umulwele.... Tontokanyeni fye pali cena! na mwishiba cilya cintu ica bipa. Nomba moneni uko ena alebalonganya-ukufuma ku fifutu fine ifye sonde. Bena balelonganya nomba kucilangisho. Icilangisho cikaba ku Amagedon, ukulingana ne Cebo, mwamona. Pali kabalwe uwa butulikila, ukunina pali ena-pamo ne Imfwa ukubikwapo ... ne shina ukubikwa pali wene, Imfwa-munkanyakristu (Umfweni. munkanyakristu, icilonganino ica ntanshi. Cilya teti cisushiwe), na Yesabele wakwe, cilende ku Cebo, na bana bakwe abanakashi pamo nankwe, ba Protestanti, balelongana capamo abene nomba mukwampana....

Bushe mwalyumfwa bantu ba Baptist ukulanda bushiku bumbi ulubali lwa kuno, namwishiba? Owe, ifwe tatwakailunde pamo nabo, lelo ifwe tuli no kuba ifibusa kabili abapala nga bakumfwana nabo. Ifwe tatwakailunde ku lukuta lwabo, lelo..." Mwachimone co. Mwachimone co, filya fine fye ifyo Icebo casosa-cilende uwakale mucifulo cakubalilapo, mwamona.

120 Nomba, aba bali pano ukuilunda abene capamo, ukwisa kuli cilye cilangisho, kuli Armagedon, no kunina pali kabalwe uwasankanishiwa amabala-na umo kabalwe uwa buta, umo kabalwe uwakashika, umo kabalwe uwafita-batatu abapusana amaka ya mapolitiki ... Bupolitiki bwamaka, ya bumupashi ukutungululwa na maka ya ngulu ico cili munkanyakristu. Ukusankanya cilya capamo, kabili imwe na mukwata uwabutulukila, icintu icilemoneka-icilwele eco ena anininepo. Cilya cishinka. Nomba moneni. Lolekesheni ico ena anininepo: ici cilemoneka icabutulukila, kabalwe uwa mabala mabala, ukusankanishiwa ne ca fita, ukukashika, no kubuta, ukwisa kubulwi, ukulonganya abantu bakwe ukufuma ku nko yonse mwi samba lya mulu.

Bushe Daniele tailwile iciloto kabili alimwene kulya ukusalangana kwa cela ukuya mu bufumu buli bonse, ubwa Rome? Aba baleisa, ukulongana. Nomba, ikaleni ifyo fine mukwisala pali miniti, kabili umfwikisheni. Bena balelonganya nomba ukucicita, ukuleta abantu bakwe ukufuma ku fifutu fine fye sonde, na nina pa wabutulukila, umulwele, uwa mabala yatatu kabalwe uwasankanishiwa-umuntu umo wine.

121 Nomba, mu Kusokolola 19, ena taleiteyanya fye, lelo Kristu aleiteyanya ku kumukumanya. Ubulwi bukaba ubwakalabana kabili ubwa kosa. Kristu, mu Kusokolola 19, Kristu alelonganya abakwe ... te kufuma ku fifutu fine ifye sonde, pantu kukabako abakashalako abanono. Cinshi ico Ena alecita? Ena alebalonganya ukufuma ku fifutu fine ifya mu mulu (tuli no kubasenda imyeo pesamba lya cipailo mailo ubushiku, kabili muli no kumona nga cena cintu calungama atemwa iyo), ififutu fine fya mulu pali kabalwe uwa buta tutu. Ena nao nakwata ishina-te Mfwa; lelo Icebo cakwa Lesa, umweo. Amenii. Lyena nalilembwa pe tanta lyakwe apa: Icebo cakwa Lesa. Ulya e mweo fye weka pantu Lesa e ntulo fye yeka iya mweo wa muyayaya iyabako-Zoe. Bushe cilya cishinka?

122 Kabili ena nakwata ukulembwa Umweo, nanina pali kabalwe uwabuta. kabili uyu apa muntu na maka ayapusana yatatu ayasankanishiwa, aleitwa Imfwa, ukulonganika abantu bakwe aba pe sonde. Kabili Kristu alelonganika abantu bakwe abafyalwa ku mulu, aba mushilo.

Ena nakwata Imfwa ukulembwa pali wene; Kristu nakwata Umweo ukulembwa pali Wene. Balya abali na Wene bali pali bakabalwe aba buta nabo, kabili bena baleitwa "abasalwa ukutula ilyo umufula we sonde taulalengwa" (Amenii!), kabili bena bacishinka ku Cebo. Amenii! Nalitemwa cilya. Abaitwa "ukusalwa ilyo umufula we sonde taulalengwa," kabili elyo abacishinka ku Cebo ku kusala kwabo, abasansamushiwa fye no mwanganshi upya na mafuta, ukunina fye ukulaya, ukwisa ukukumanya Wene. Bena balishiba ifibulumo fikapela icintu kuli ifwe ili line.

123 Moneni, musango nshi acitilamo? E ico nga Ena Cebo, kabili ishina lyakwe aba Icebo, lyena Cebo e mweo! Munkanyakristu ... icintu icili conse kukanya caba ukususha. E ico ukukanya caba ukususha Kristu, Icebo. E ico cena cilingile ukuba icisumino atemwa icilonganino ico caba icakususha Icebo.

Cinshi, Nshilemona umusango muli no kulufya cena. Bushe imwe muleciluka? Musango nshi muli no kucilufisha? Nshishibe umusango muli no kucitilamo. Cilya cishinka. Ukukanya caba ukususha. Bushe

cilya te cishinka?-ukufumyako ukufuma. Filya efyo ena ali. Ena nanina kabalwe wakwe uwasankanishiwa. Ifwe tulecimona umu mwine mu Cebo cakwa Lesa. Ifwe twalimwene mulya mwine mu nkuta sha cinelubali. Pano Ena alecileta umu mwine fye mu fikakatikilo, ukwisula no kulangisha fyena fintu ifyo fyalipo ukupitila mu nshita sha nkuta. Ukukanya caba ukususha Icebo. Mwamona umulandu icisumino ... umulandu twaba abakususha ifisumino ne filonganino pantu bena balasusha Icebo. Mwamona?

124 Pano ifwe tulemona umweo ne mfwa ukwisa ku kulwisha ukwa kulekelesha. Kabalwe uwa buta uwa mweo uwacine, kabalwe uwabutulukila uwa cisumino. Mulemona, icintu cileisa kucilangisho icine cine.

Ndefwaya ukusosa icintu cimo pano. Imwe limbi tekuti mucetekele ici, lelo Nalicilekeshepo ukuba uwashininkisha. Kwaba fye ukubalala kumo ukwa ntendekelo, kabili kulya kubuta. Nibanga abaishiba cilya? Kwaba fye ukubalala kumo ukwantendekelo. Icintu cimbi icashala calisankanishiwa. Kristu ali pawa buta tutu Icebo cishansankanishiwa ukufuma ku kutendeka. Amenii! Ukubalala ukuli konse kuti kwaba ukwabuta nga umuti umo tawaishile muli kwena. Amenii! Ubukata! Ulukuta ululi lonse nga lwaliminine pe sambilisho lya batumwa ilya Cebo cakwa Lesa, kabili Lesa ukushininkisha cena, nga ifwe tatukwete ifisumino atemwa ifilonganino ukusankanishiwa muli cena. Mwacimone co. Owe, Munyina Evans, Ndeumfwa bwino ino ine nshita! Ee, mukwai! Ee, mukwai. Ukubalala fye kumo ukwa ntendekelo-kulya kubuta. Cena tacatala ukusankanishiwa ne filonganino atemwa ifisumino. Iyo, mukwai!

125 Kabili ibukisheni, abamushilo bakwe na bafwala imingila iya buta, tashasankanishiwa ne filonganino ne fisumino. Nomba, tulesanga ukuti ifilonganino ne fisumino, pano epo mulekwata ukubalala kwenu ukwa sankanishiwa; Lelo uku kubalala kwa ntendekelo uko ena anininepo. Ukubalala kwa ntendekelo kuli pa bantu bakwe, kabili bena balitumpikwa mu mulopa uyo wasamba lilye laya no kucituma ukucibwekesha

kulya kunuma, mwamona. Cilya cishinka.

126 Balya abasankenye caishilepilibulwa ica butulukila kabili no kuya mu mfwa. Cena cabo kupondamikwa ukusankanya amabala ne cabuta. imwe mulapondamika ukubalala ukwa ntendekelo. Bushe cilya cishinka? Ngo kubalala kwa ntendekelo, ukubalala fye kweka, caba kubuta, kabili imwe mwalisankanyako icintu cimo pamo na cena, mulapondamika ico cabapo icituntulu. Amenii! Bushe co cishinka? Kabili nga Ena ni kabalwe uwa buta, kabili Ena e Cebo, lyena ukusankanyako icintu icili conse pamo na cilya-icisumino icamusango uuli onse, ukulundako icebo cimo kuli cena, ukufumyako icebo cimo ukufuma kuli cena-caba ukupondamika icintu conse. Owe, mwe! Nsungeni ine pamo ne Cebo, Shikulu.

Icine ne cilubo.... Owe, mwe! Te mulandu ifyo busuma.... Icine ne cilubo tekuti fisankane. Fyena tekuti fisankane. Cena limbi ni "efyo asosa shikulu", atemwa cena cilubo. Te mulandu ifyo Shibo uwa Mushilo asosele cena-Bonifa Washila atemwa archbishop uwaku Canterbury, Nshaishiba uwasosele cena-Nga cena na cipusana ku Cebo, cena kupondamikwa. Cena tacasankane.

127 Ukusosa, "Mulandu nshi, uyu muntu acitile...." Nshilesakamana ifyo ena acita, umusango aba uwa mushilo, atemwa icintu icili conse nga filya. Ici fye ceka e cine icituntulu ico twakwata. Takuli ulukuta, takuli icisumino ulwakwata Icine, nga cena na cipusana kuli Ici; kabili nangisheni cimo ico cakwata cena.

Ndefwaya imwe ukunjeba. Ndi no kupilibula ibula muli Baibele no kumulangisha icintu cimo. Iteni fye cimo.

Mulesosa, "Pentecostal."

Owe, mwe! (Nacumfwa fye lilye tontonkanyo ukufuma fye ku muntu umo.) Ine kuti cawama ukusha cena ceka ino ine nshita, pantu ni mona cilya catendeka icilonda ica bipa palya pene. Ine nshilecifwaya ukumumfwi ububi, lelo ine nacilafwayafye imwe ukwishiba Nalishibe ifyo mwaletontonkanyapo, mwamona.

128 Balya abasankenye bapilibwilwe ukukanya kumfwa ... balepilibwila mukubalala kwa mfwa ilyo imwe mwasankanya umusango uuli onse uwa cintu icili conse pamo ne ca ntendekelo. Caba kwati ni Kristu ifyo asoselepo palwa mbuto yalubanga. yena intu yacepesha pa mbuto shonse, lelo yena teti isankane ne cintu icili conse. Lubanga taisankanishiwa. Yena ni lubanga ine ine. E ico nga imwe na mukwata icitetekelo icalinga nga filya, ikatilileni fye kuli cena.

Moneni, umweo walikonkele waninine pali kabalwe uwa buta uyo wali Cebo umweo, ukushininkishiwa ku ba mushilo bakwe aba bushiwa abo Ena ali nabo. Nomba, musango nshi ubulwi buli no kucitikilamo? Yesu atile, "Uyo wacetekela muli ine nangula ali uwafwa, lelo akaba no mweo." Atile, "Nga mwacetekela muli ine

nangula imwe\_mwali abafwa nalyo line mukaba aba mweo, Kabili uyo onse uwaikala no kucetekela muli ine takatale ukufwa." Nakabili Atile, "Uyo wacetekela muli ine...."Ena aka mupela umweo wa muyayaya, ukumubusha pa bushiku bwa kulekelesha. Bulya bulayo bwakwe ubwa malembo.

129 Uyo aisa Satana ne fifutu fyonse fine ifye sonde na ba Protestanti bakwe, kabili pamo na ba Katolika bakwe, kabili bonse capamo, ukwenda ukwisa fye ku bulwi bwa Armagedon. Cisuma. Kabili ulya aisa Yesu ukwisa ukwika ukufuma ku mulu na ba mushilo aba bushiwa, Icebo icashininkishiwa. Ngefyo Nasosa, nga Lesa alanda ukutuma imwe, Ena alashininkisha ico mulesosa. Moneni, nga imwe muli nkombe ukufuma mu mulu, umulu onse uli kunuma yenu. Umulu wabako ne Cebo.

130 Moneni nomba, Ena aleisa na ba mushilo aba bushiwa, ukushininkishiwa ukutila Cebo cakwe ca cine (e ico Satana alishiba, lyena, icilindi icabula impela cili icateyanishiwa kuli wene, mwamona. Owe, mwe!); ilyo Imfwa yaninine kabalwe uwa butulukila-icisumino icasankaniwa ne filonganino-kabili fyali mukonkele (owe, mwe), kukupatulwa ukwa muyayaya ukufuma kuli Lesa. Kulya eko abatweleko ku, kupatulwa ukwa muyayaya. Kristu atwele ulukuta lwakwe mulya mwine mu bukata mukubuka.

131 Moneni vesi ya 8 nomba, ukuba fye ... iciputulwa ica kulekelesha ica vesi ya 8 ilyo tuleisala. "Amaka yalipelwe kuli bena." Ni bani "bena"? Mwamona? Cisuma. Munkanyakristu aleitwa Imfwa, Kumbo kwalikonkelepo. Lolekesheni imibombe yakwe mu fishinka fine:

Munkanyakristu, kabalwe uwabuta: alepaya ku mupashi-ukuba munkanyakristu, ukwipaya kwa bumupashi.

Ica cibili, kabalwe uwakashika: epaya kulupanga, amaka ya mapolitiki ilyo lukuta no buteko fya ampene.

Kabalwe uwa fita: ashitishe, ilyo apele isambilisho lyakwe. Wene alicitile kulya ku bulalalale bwakwe, kabili ena apimine icakulya ku ... ashitishe ifyo bapele ku cakulya ku cakulingilako kabili amakobili kabili na fimbipo.

Ica cine, kabalwe uwa butulukila: ukupatulwa Umuyayaya ukufuma kuli Lesa, (nakabili cine, mwamona).

Owe, mwe! Lesa alumbanishiwe.

132 Nomba icakulekelesha, pano mukwisala ... kuli abo.... Bushe na mukwata...? Ine ni ncila pa nshita. Bushe mwalampelako nalimo ama miniti ikumi na yambi? Ninkwata ubwite ubwingi ilelo nalimo palwa ine ukulanda kuno. Kwaliko ubuwelewele ubwingi ubwatendeke palwa kwa Eliya, eico cilya caba fye.... Cena cili ica umwa nakumfwa. Kabili imwe ... Lesa angafwe ukwafwilisha imwe ukumona ico Ndelolekeshapo. Bushe mwalacita? Ukweshafye ukumona.

Nomba, apa mu kwisala, kuli abo abashacetekela ukutila inkombe ya kulekelesha ku nshita ya lukuta ni Eliya, kasesema, umuntu uwasubwa muli ulyo mushilwa.... Panuma ya mfwa (moneni), Panuma yamfwa iya iyi nshita ya lukuta lwa kulekelesha.... Nomba, imwe moneni icacitike, mwamona. Panuma ya mfwa, imibili yabo iya fwa ikonaulwa ku fiswango fya mu mpanga. Mwalishiba cilya. Nomba, cilya cishinka. Nga filya, iyabo yakwete icipasho cakwa Yesabele.

133 Nomba, pilibwileni mu Kusokolola 2:18 na 20. Ndecetekela tukwete fye ama miniti ayanono ayashalako, bushe tatwakwete? Ee, ndecetekela tukwete fye cilya. Na cicikwata ukulembwa pano kuli bamo.... Ee, inshita iya bwikashi ubwa bola. Filya eflyo cali. Mwamona ifyo cena cali, ifyo Yesabele



aishilemo.

Nomba, Yesabele ni nkuta ... ulu lukuta ulwa nshita ipya; te nabwinda, nomba. Yesabele mu Cipingo ca Kale abe cipasho ica lukuta ilelo, ukulingana ne Cebo cakwa Lesa ca Kusokolola 2:18-20. "waleka fye uyo mwanakashi, Yesabele, uilumbula umwine kasesema...." Bushe co cishinka? Nomba, cena capashanishiwa fye umu pwilapo kuli Yesabele.

134 Nomba, intanshi.... Ifwe kuti twa mupela fye ilembo panuma ye lembo, mwamona, ukutila inshita ya kulekelesha ni mbila ya busesemo ku lukuta, ukubeta bena ukubwekela ku Cebo ca ntendekelo. Nomba, moneni. Bushe co cishinka? Malaki 4 efyo yasosa, kabili na yambi-Ukusokolola 10:7 kabili ukuya pantanshi, mwamona. Yesu Umwine alilandile libela cena ukutwalilila, ukutwalilila, ukutwalilila; "Nge fyo cali mu nshiku shakwa Loti...." Kabili na fimbipo nga filya kabili ukutwalilila. Cena cileya fye ukulaya pantanshi.

135 Yesabele abe cipasho ica lukuta lwa nshita ipya icelelo pantu Katolika na Protestanti na fya mpaana capamo nomba. Kulya takuli ukucishinguluka cena. Fyena fyonse filonganino, e ico cili fye nyina na nkashi, epela fye. Balakansana no kutalikishanya umu no mubiye, lelo bena cintu cimo cine-bonse ba cilende. Nomba, nshilesosa cilya palwandi. Ndebelenga fye ukufuma "efyo asosa Shikulu." Cisuma.

Nomba tulemona. aipaiwe kwi funde lyakwa Lesa cali.... Yesabele alipaiwe, pantu Lesa alengele Yeu ukuya kulya no ku kwata wene ukuposelwa panse ukufuma pe windo-no kwipaya Yesabele, kabili imbwa shalile umubili wakwe. Bushe co cishinka?-Yesabele mu butuntulu. Ahab, imfumu yakwe-umutwe, imbwa sha myangile umulopa wakwe nga filya Eliya uwa ntanshi alandile kabela.

136 Mwamona uko tuleya, bushe ta mulemona? Cinshi? Eliya wa ntanshi ali umuntu uwakanwa ku nkuta.

Kabili Yesabele na Ahab bali umutwe wa shilye nkuta-ulukuta no buteko, fyonse capamo. Kabili Elisha asokolwele imembu shakwa Ahab kuli wene no kweba ulukuta lonse ukusangukila Icebo ca cine. Nga filya tafili filya fine ifyo Eliya wa cibili alingile ukucita ilyo aleisa kuli ulu lukuta muli buno bushiku-ukubwekesha icitetekelo cantendekelo. Nshilemona umusango muli noku talukako ukufuma kuli cena. Cishinka. Bweleleni ku Cebo ica cine. Cilya cishinka.

137 Nomba, nga mulefwaya ukumona imibili yabo, lekeni tupilibwile uku mu Kusokolola 19 panuma ilyo Icebo cabepaya. Nomba, Icebo cili no kubepaya. Mwalishiba cilya. Cisuma nomba, imwe lolekesheni fye no kumona icili no kucitika ilyo Kristu aleisa, mu Kusokolola 19, ukutendeka na vesi ya 17.

Kabili Na mwene malaika naiminina mu kasuba;

Nomba cilya ni panuma fye.... lolekesheni pa mulu apa. "Kabili ilaya lyakwe lyalitumpikwe mu mulopa, kabili ena aleitwa Imfumu ya sha mfumu kabili Shikulu wa ba shikulu." Mu vesi ya 13, Ena alitwa Icebo cakwa Lesa. Nomba, Uyu ali apa imfumu ya sha mfumu kabili Shikulu wa ba shikulu.

Kabili na mwene malaika ... [Nomba moneni. Ena aleya.]

Na mukanwa kakwe mulefuma ulupanga ulwatwa, cilya kuli cena ena afwile ukuminako inko [ukufuma mu kanwa kakwe, kwati ukufuma mu kanwa kakwa Lesa ukuya mu kanwa ka kwa Mose]: kabili ... akashicemena ku nkonto ya cela: kabili anyanta no mwa kukamine myangashi iya cipyu ca bukali bwakwa Lesa uwa Maka yonse.

Kabili akwete ishina ilya lembelwe pe laya lyakwe, na pe tanta lyakwe ishina lyalembwa, IMFUMU YA SHA MFUMU, KABILI SHIKULU WABA SHIKULU.

Kabili Namwene malaika ...

Nomba moneni, Ena aleisa ukuma. Nani uo Ena aleuma?-Yesabele na Ahab wakwe, kasesema wabufi.

Kabili na mwene malaika naiminina mu kasuba; kabili ena abilikishe ishiwi likalamba, alesosa ku fyuni fyonse ifipupuka mukati ka myulu, Iseni kabili longaneni mwebene capamo ku mulalilo wakwa Lesa mukulu;

138 Mwamona, ena alebalisha ku fiswango ne fyuni. Nomba, moneni uku lubali mucipandwa cimbi kuno ice buku lya Kusokolola (pali miniti fye), "...ukwipaya no lupanga ne mfwa ne fiswango fya pe sonde," mwamona. Ulukuta lwakwa Yesabele, wene mucine umubili, uli no kulikwa ku fyuni ne fiswango fya pe sonde. Nga filya fine fye Ahab na Yesabele bali mu cifyalilwa, eico nabo bali no kuba mu musango wa bumupashi ulukuta. Bushe mulemona ico Ndepilibula? Cisuma.

139 Eliya ... Eliya ali ni kasesema mu nshiku shakwa Ahab na Yesabele-mucifyalilwa. Kabili Ena alilaile ukucita icintu cimo cine ukulingana ku "efyo asosa shikulu," mu Cebo kuli Yesabele uwa bu mupashi, umusango wa bukapyunga bwakwe ubwa Mupashi. Moneni.

Eliya, nangula mu bushiku bwakwe bwino bwino kabili ukushininkishiwa umupwilapo, alifililwe

ukubabwekesha ku Cebo. Bushe co cishinka? Nangula Eliya alyeseshe ne fintu ifili fyonse.... Ena alicitile ifintu ifili fyonse. Ena alibalangishe ifishibilo ne fipapwa, kabili bali musekele pa cinso cakwe. Icintu cimo cine bali no kucita ne ca bumupashi, mwamona. Ena tekuti ababwekeshe ku Cebo.

140 Ukufuma kuli ba million.... Nomba umfweni mwe lukuta, ukwisala nomba, imwe mwe bali abafulanganishiwa pali ici. Ukufuma kuli ba million mwi sonde mu nshiku shakwa Eliya-ilyo Yesabele na Ahab baleteka mucipasho cakupashanyako ilelo-ukufuma mwi sonde lyonse, kwaliko fye imyanda cinelubali abapusushiwe ukushimikila kwa kwa Eliya. Bushe co cishinka? filya fine fye.

Lolekesheni, Eliya tatalile ukwishiba umo muli bena ali muli ulyo musango. Ena atontonkenye ali fye eka uwapusushiwe, mpaka Lesa aiswile cimo ica fikakatikilo no kulangisha wene inkama mwi buku, ukuti Ena akwete imyanda cinelubali abo abashatalile ukufukamina kuli filya fisumino ifyo bakwete. Ilyo Lesa aiswile ibuku lyakwe kuli Eliya, Atile, "Nomba, lolela pali miniti, we mwana. Ninkwata imyanda cinelubali abo abalipo kunse kulya. abakwata amashina yabo pe buku ukutula ilyo mfula we sonde taulalengwa. Bena Bandi." Whew! Lesa aliswile ifikakatikilo. Ulya e mulandu wine Ndetotokanya Yohane alecita ukubilikisha ukwingi inshita imbi iya bushiku. Ena alingile alimwene ishina lyakwe Palya, mwamona. Ubushiku bumo Lesa aiswile....

141 Elisha, ena alishimikile. Ena alicitile ifintu ifili fyonse. Ena ashimikile no mutima wakwe onse kabili alicitile ifintu fyonse ena enga cita, kabili nalyo line bena bacitile fye "ukuwela" wene kabili ukumwita ifintu ifili fyonse. No kusosa, "Ni we weulengele fyonse ifi. Iwe uli wa mipashi. Iwe niwe ulengela ubwafya bonse ubu ukwisa. Iwe uli nomulandu," ne fintu fyonse nga filya. Balisosele ifintu ifili fyonse kuli wene. Yesabele ale mutinya ku kumuputulako umutwe kabili ifintu fimbi ifyashala. Cilya cishinka. Cila muntu asushishe wene.

Kabili lyena atile, "Shikulu, panuma ilyo nacita fyonse ifyo imwe mwanjebele ukucita.... Njikala filya fine ne Cebo cenu. Ilyo imwe mwanjebele icintu icili conse, Nshali no mwenso. Nalyendele ukuya fika fye mu cinso ca mfumu, kabili ne fintu fimbi ifyashala, no kubeba, 'Efyo asosa shikulu.' Kabili imwe tamwanjebapo nangu cimo, kabili Ine nshabeba icintu cimo, lelo ica citike. Kabili nomba Ine ndi pano, umo fye eka ushele ukufuma mwi bumba lyonse. Nshele fye neka, kabili bena balefwaya ukunjipaya."

142 Lesa atile, "Ndi no kwisula cimo ica fikakatikilo no kukulangisha icintu cimo." Atile, "Nawishiba, ninkwata imyanda cinelubali kunuma kulya abo aba shafukamine ikufi atemwa ukuilunda ku fisumino fyabo na nomba, ifilonganino. Kuliko imyanda cinelubali ya bena abateyanya ukusendwa, mwamona." Owe! Owe! Alisosele kuli kasesema wakwe (nani Ena asokololako Icebo cakwe, mwamona, ukupitila mu Malembo), "Ninkwata amashina imyanda cinelubali abateyanishiwa na nomba ukufuma kuli ino nkulo-imyanda cinelubali iya bena. Bena tabalafukamina ikufi lyabo ku cili conse" [nga kuti Nasosa cena muli bunu bushiku] kutubungwe twa bukapepa no kwisa 'fisumino' muli bena."

Mulemona ico Ndepilibula? Kanshi cena cilingile ukuba. Cena cilingile ukuba fye. Kabili cena kulingana ne Cebo. Ilyo muntu akesa monekela, akesaba kasesema nga ifi fine fye Njiminine muli ici cintamba, Kabili ena akekala uwalungama fye na cilya Cebo. Ena takasende pa cisumino ica muntu umbi atemwa icintu cimbi icashala. Cilya cishinka.

143 Ena akaba umuntu uwapala uwa mu mpanga nga filya Elisha ali, kabili nga filya Yohane aishile. Ena akapata abanakashi (mune!), abanakashi aba bulalale. Whew! Mune, ena akaba fye pali bena! Eliya alicitile kabili efyo na Yohane acitile, mwamona. Kabili ena akatonta fye cilya Cebo. Ena akaba uwakususha utubungwe. Utubungwe? "Mwiitontontanishisha mwebene, 'Natukwata Abraham nga shifwe,' pantu ndetila Lesa ali uwalinga muli aya amabwe ku kwimya abana kuli Abraham." Mucine alicitile.

Nomba, mwacimone co, mwe banandi. Ici apa icikakatikilo ica cine ukwisulwa, kabili abaninine pali bakabalwe bane na basokololwa ku kwishiba kwandi ukwawamishapo. Nomba, ifi fye fyeka efya citike fye pe sonde. Icikakatikilo cikonkelepo tulemona cili mu mulu uko imyeo ili pesamba lya cipailo.

144 Nomba, mu kwisala fye Ndefwaya ukusosa ifi fimo ... amashiwi fye ayanono kuli imwe ayo nalembele. Ifwe natucilukilapo nalimo pali ifi ifikakatikilo fine, ifikakatikilo fine ifya kubalilapo. Nomba mailo ubushiku, ifwe tukapilibula icikope ukufuma pa fintu fya mwi sonde ifilecitika. Ena alelelekesha pa mulu apa no kumona imyeo pesamba lya cipailo, iyaipaiwe icipailo. Inshita imbi ikakonkapo iya bushiku ubupingushi bulepolo. Kabili inshita ya bushiku ya cine, Ubushiku pa Mulungu.... Nshishibe ifyo ifi fimbi fintu filepilibula. Nafibelengele fye nge fyo mwacitile, Lelo kwali tondolo pali citika wa ora. lelo kuli icintu cimo ica citike. Ndesubila Ena ukusokolola cena. Ena ali no kucicita. Ndi uwaikushiwa Ali no kucicita.

Ifwe twali no kuya mu fifulo ifya pusana pusana ifya Malembo, Ukusokolola 19, ukulangisha ukwisa kwa kwa Kristu kukepaya munkanyakristu. Ulya e mulandu wine Nashile ifi, ukusenda fye yalya ama vesi yabili. Naile mu fiputulwa ifya pusana pusana ifya Malembo ukushininkisha ifi fintu. Eico ulya e mulandu wine Naciya mu Kusokolola 19, ukulangisha impela ya munkanyakristu kukaba ukwipaya kwa.... Kristu, ilyo Ena akesa, Ena akesaipaya munkanyakristu.

145 ... ukusokolola 10 kulangisha ukuti imbila ya malaika uwalenga cinelubali akaba umuntu muli shi nshiku sha kulekelesha, ukusubwa na Lesa kuli bukapyunga ubwapala ubo Eliya kasesema akwete (nge fyo calandilwa kabala muli Malaki 4), ukusokolola Icebo ica cine ica ntendekelo Lesa muli ino nkulo-Icebo cakwa Lesa ica ntendekelo muli ino nkulo. Nga filya ena acitile kuli Yesabele uwacifyalilwa, eflyo no uyu muntu akacita kuli Yesabele uwa bumupashi, inkuta sha filonganino.

Nali no kuya mu cipandwa ca 7, atemwa ca 10 icipandwa 1 ukushinta vesi ya 7, ukushininkisha ukutila cena cili ica lungama; kabili ukuya kuli Malaki na Amose kabili na fimbipo ukushininkisha cilya. Eliya ali ni kasesema uyo waseseme no kwebaula Yesabele muli ilya ine nkulo, kabili Eliya tatalile ukufwa. Ena mucine tacitile. Ena ali monekele nakabili imo imyaka imyanda cinekonse konse pantanshi kulubali lwakwa Yesu Kristu pa Lupili ulwa Sansama. Ena tafwa.

146 Nomba, tulesanga ukutila umupashi wakwe uli no kusuba umwaume, ukulingana no bulayo bwakwa Lesa, mu nshiku sha kulekelesha-alaile ukucita icintu cimo cine mu mupashi wakwa Yesabele, nge fyo wacitile muli Yesabele wacifyalilwa mu nshita ya kulekelesha.

Ulya e mulandu wine Ine naciya mu fingi ifya muli Baibele ukushininkisha cena, pakutila peshala ilipusho mu mano yenu. Nga eko lili, mukanjishibishe. mukanembele inkalata atemwa akapepala akanono.... Kabili cena cilesuntinkana umupwilapo, nangula ku fiswango ukonaula imibili yabo iya cifyalilwa mu nshiku sha kulekelesha, uku bapwishishisha nge fyo bacitile lilya.

147 Ukwishibisha ukwa busokololo bwandi bulyo bwapelwe kuli ine na Lesa no kulandilwa kabala ukutila cikacitwa, ici cishinka ica baninine pali bakabalwe bane ku kwishibisha uko naishiba.

Ni cinshi ico muletontonkanya pali Yesu?

Nali Mutemwa, Nali Mutemwa

Pantu ena ali ntemenwe pakubala

No kushita ipusukilo lyandi

Pa Kalbale.

148 Nomba ibukisheni, ukwabula ukumfwa ububi ku bantu abali bonse mu kabungwe akali konse ... Pantu Lesa alikwata abana mu mibombele ya Katolika; Alikwata abana mu mibombole ya Methodist; Alikwata abana mu mibombele ya Baptist. Ni banga abo, yonse imibombele iyapusana pusana, na bemininako muno muno bushiku, abafumine muli cena ilyo mwamwene Ulubuuto? Lekeneni tumone amaboko yenu. Nomba, ibukisheni, kuliko abantu kunse kulya ababa fye nga imwe, lelo caba mi bombele iyo ipaya, mwamona. Caba umupashi wa munkanyakristu uyo ubasenda mukulekelesha mucifulo mpaka tekuti bomfwe Iicine nangu cimo.

149 Kabili ibukisheni inshita imbi iya bushiku ilyo napitile mukukakatika? Ngo muntu aumfwile ubwite bwa

kusangalala, kabili alikene ukuya ukuba umuntungwa, ena balemusenda pacilu kabili icakutulilako ukutula ukutwi kwakwe. Ku kutwi eko mumfwila; kabili icitetekelo cisa ukupitila mukumfwa. Lyena nga aumfwa cena kabili akana ukusumina ubuntungwa bwakwe, lyena ena alingile ukubombela icilonganino caba shikulu bakwe inshiku shonse isha bumi bwakwe. Ameni. Owe, mwe! Bushe Ena tawama?

Nali Mutemwa, Nali Mutemwa

(Lekeneni twimye amaboko yesu

nomba no kushinshimuna Wene.)

Pantu intanshi Ali ntemenwe

No kushita ipusukilo lyandi

Pa Kalbale.

Nomba, kontamikeneni fye imitwe yenu kabili lekeneni tushinshimune Wene nomba ilyo tuleg'wig'winta.

150 Shikulu, ifyo tuli aba kutotela. Ndi uwasangalala nganshi, Shikulu, uwasansamuka nganshi pali Imwe na bantu benu. Owe, Shikulu, imwe mwashitile ipusukilo lyesu pa Kalbale. Ifwe tulepokelela lyena no kusangalala, Shikulu. Nomba twesheni, Shikulu, ku Mupashi Wenu, kabili nga muliko ububi ubuli bonse mukati kesu, Shikulu, ukukana cetekela konse ukwa Cebo, umuntu uli onse muno, Tata, uyo ushinga suminisha ubulayo bonse ubwakwa Lesa na "ameni".... Lekeneni Mupashi wa Mushilo eke nomba, Uwanina pali kabalwe uwa buta, ilyo Umupashi wakwe-Umupashi wakwa Kristu mu cinso ca munkanyakristu ... no kwita abakwe bene.

Ukubeta ukufumamo, Shikulu. Lekeneni nomba bena balapile, bese bwangu bwangu kuli Imwe no

kwisushiwa na mafuta no mwingashi, kabili ukupilibulwa ukufuma kuli ulyo mwingila wa cilonganino wa ... mfwa ukuya mu mwingila uwa buta nga menshi makasa uwa mweo wa muyayaya, ukupelwa na shibwinga. Kabili elyo bakesaya ku mulalilo wa bwinga ubushiku bumo mu Cebo cashininkishiwa ica kubuka. Peleni ici, Shikulu. Cencenteni imitima, ilyo abantu balelelela pali Imwe, ukupitila mwi shina lyakwa Yesu.

151 Nomba, cencenteni fye umutima wenu, munyinane, nkanshi yandi, we munandi. Naba na imwe inshita itali. Ici cili nalimo imyaka amakumi yatatu na itatu. Bushe nalitala ukumwebapo icintu cili conse mwi Shina lyakwa Shikulu lelo ico cafikilishiwa? Fwayeni Kristu nomba ilyo mukwete ishuko lya kucita. Cena kuti caisa ili line ilyo teti mucicite, mwamona. Ena kuti afuma pa cipuna inshita ili yonse, kukupapata Kwakwe. Lyena imwe kuti mwalila no mutima wenu onse, imwe kuti mwafulukuta, imwe kuti mwalandila mu ndimi, imwe kuti mwabutuka uku no ku panshi, imwe kuti mwacita icintu icili conse mwalefwaya ukucita no kuilunda ku lukuta ululi lonse mwi sonde. Takwaba icintu nangu cimo, takuli nakabili umuti pa membu shenu. Lyena ni cinshi ico imwe ... ni kwisa uko muli lyena?

152 Cisuma, Ndecetekela no mutima wandi onse, icipuna cicili palya. Ndecetekela Ena acili pa Cipuna ica bufumu icakwa Lesa. Lelo ili line Ena ali nokwisa ima nomba no kwisa senda ifyo Ena alubwile. Ena alebomba umulimo uwa Kalubula wa Mulupwa ilyo Ruti alelelela. Lelo lilya line, namwishiba, panuma ilyo Boashi acitile umulimo uwa mulupwa, lyena alishile no kupoka ifipe fyakwe. Kabili filya ni filya fine ifyo Baibele yasosa Ena acita. Ena alishile no kusenda Ibuku. Lyena ukupapatila ni nshi kwapwa, Ena akafuma pa Cipuna ca bufumu. Takuli nakabili Umulopa pa Cipuna ca luse, Kabili lyena cena ni cinshi? Icipuna ca Bupingushi.

Mwikaleka cikalandwe bumo muli ishi nshiku, "Natontonkenye Ukusendwa kwalingile ukwisa." No kumfwa Ishiwi ukusosa ukubwekesha, "Kwena kwalipita." Lesa amwafwe. Nomba, lekeni tukontamike imitwe yesu.

Munyina Neville, isa ku kusalanganya, atemwa conse ico ukwete ukucita. Lesa akupale mpaka mailo ubushiku.



[www.messagehub.info](http://www.messagehub.info)

Iyabilwa na  
**William Marrion Branham**  
 "...mu nshiku she shiwi..." Ukusokolola 10:7